



顧齋集
十二

傳
雜著

卷十三

~16
2402
12



和
2402
13-2



頤齋遺藁卷之二十三



傳

壺巖下公傳 仁川附

卜公成溫字汝潤草濟人藝文提學孝文後父僉樞
球自尚州贅居茂長縣長沙山下四美洞公生于嘉
靖庚寅年間幼有異質孝友備至母沒廬墓于高敞
縣長淵之東挈四弟奠哭不脫纒經父沒又如之有
猛虎莫敢近者公不以怖虎亦自避晨必謁廟朔望
必參祭祀必先期齋沐躬滌器具饌一淡衣達夜及
灌益誠敬如在家眾化之文靖金子麟厚自乙巳不

仕講道也公首就學家貧性樸恆頂平凉子徒行不
懈受小學卒業則曰作聖模範盡在此書苟潛玩
力行何患不成於是凡日用造次言動一以小學為
律尤念念九容一日在路天驟雨猶徐行或譏以非
處變公笑曰當此時雖疾行若飛亦不及避與其
徒失足容易若守常之為愈也識者咸服公溫厚
愿懇敦確絕人為學惟本實是務亦不以文藻自
耀其時同門如奇錦江孝諫梁鼓巖子激趙月澆
希文李永膺至男尹良輔祁南考槃彥紀諸公皆
一時之選而至於踐履操守之篤又首不首稱公焉

奇公尤致敬重每公至必倒屣出迎諷詠數日而罷
公早厭世紛已卜仁川德山間是興德高敞茂長
三縣界也間以長淵時以壺巖山水之勝聞於湖
南晚竟因墓廬居之曰永慕亭自號壺巖居士金
子嘗贈六詩有曰燈花簷外雨與子一時心又曰
草綠花紅潏水碧點狂應發嶺頭春又曰潤也吾
相許工夫大哉又曰仁德山川裏相將一笑居其
許以同心同歸者可見乙卯公始拜文純李子滉庚
申正月金子卒公為之築場秋又謁李子以金子詩
一律解武夷九曲歌者為李子誦之李子與公遊天

淵臺留館寒樓數日將別贈詩八絕有曰河西蓬
觀舊同遊歛去修文白玉樓今日逢君門下士話
君終夕涕橫流又曰佳山佳水日徘徊仁智吾猶
未竭才敢叩師門有何訣請將餘論貢江臺又曰
風雪尋師十載前一辦歎靡傳勸君莫被因
循誤努力須撐上水船其拳拳師友而期以久大
者又如此公既淡於易學又有木製璣衡能用晦
知幾當賊臣鄭汝立自王堂南歸托講學出沒方
等山中一世輻輳公獨淡藏不見其請甚懇而終
始拒之公素躬耘一日在田間汝立適至不省其

為公也問曰卜處士在否公漫應曰我乃隣氓知其
出外久矣汝立竟悵狀空歸已丑汝立謀逆走死
人伏其先見自金子卒而微言漸絕其大節又為
世所諱公益悲憤無已不憚繭足累訪奇公勸邊
公以中勅祠院以庚寅告成又屬梁公狀行而編
文益金子之百世不朽愈久愈章者公之功也公
固夙承父訓而又得金子為歸以及李子之門則
觀感所得良已深切而文簡成子渾亦嘗答書曰
事業之遠大工夫之篤實不望於兄而誰也世變
如浮雲君子直道無容足之地惟有山林為安頓處

兄已得之足以明哲又曰超然獨立顧影無猜自守益堅操履益確向風羨慕不自已也文忠朴公淳亦有書曰顏世紛綸吾輩但當高蹈自飭不爲風聲所移而已高明受氣不淺材料甚優所期於吾道者在此耳觀於此又可以得公矣公娶河東鄭希說女無育以季弟成振長子希天爲後初葬茂長水洞後移父墓下其後又凌替凡遺言遺事之傳者百止一二肅宗丁丑湖南生員羅天樞等上疏請以公及奇梁二公配金子以享有命稟處而不果愴哉成振字汝三生庚子亦穎悟不羣旣長棄

舉業專學問初從公學後又同師金子以至李子及文憲奇公大升又莫不從游其於公學同道同如大小二程故世傳事行與公同者非一惟其剛毅慷慨不怠民國則微有間焉庚午奔哭李子喪見推爲執禮文簡成子亦樂與往復壬辰之亂文清鄭公澈以體察使南下則以書戒酒因言萬戶安匡國水使李蘋等功大罪小之狀鄭公謝曰微公至情夫孰能之謹當奉以周旋甲午九月上封事切於時艱者二十餘條觀察使不以聞乙未正月又上疏二千二百餘言首陳復讐大義次請正坤位嚴後宮而斥

金公諒舞弄之可罪次言賜餽降倭起復文武偏舉
武士之失終請選名儒輔東宮勿遽語及傳位 宣
祖聞有薦書欲不次大用為當路所抑只 除中書
參奉非其志也迫於父命強就旋辭戊申光海嗣
位又上疏五千五百餘言備論和庶官選將相斥端
姪擇守令辨清白嚴職法遣御史息民力緩軍籍
宥橫羅任賢能定君志得人才諸說而請用李公
恒福李公元翼因薦本道潭陽府使金祝高敞縣
監李義傳前全州判官金塗前扶安縣監尹銑前
金溝縣令金滋及茂長縣監林僕之賢又以臨海君

獄事為言而終以扶安縣幼學金城之可用光海
優批令大臣議處甲寅卒壽七十五葬長沙古縣有
家禮解及壺巖別錄詩文退濟河西往復說話丁
酉併被燹無傳世稱仁川先生有二子希天樂天
敬天

越松外史黃胤錫曰 明 宣之際吾東表人文亦
郁郁綦隆矣惟嶺之李子湖之金子屹狀對峙為東
西兩宗而公得出人其間與其弟偕豈不抑偉哉原
公修德之篤固自金子所傳小學之敬身而精義之
神亦始金子所授周易之觀象則不易不成何其卓

也知微知彰何其灼也故巖巖羔鴈之日公獨無一
命來逼而其弟同德又僅僅入流而止嗚呼非夫實
有得於金子世嫡之統而庶鳳凰千仞者能乎哉或
謂公伯季初不肯一面汝立為一世不可及此特其
能事之一耳吾故補松巖奇先生挺翼所為行狀及
事實記為公傳稍詳而以其弟附焉

霞谷鄭公傳

鄭公雲龍字慶遇河東人祖監察章孫始贅長城縣
公以嘉靖壬寅生幼喪母鞠于外氏器度不倫舅懷
齋朴公光王愛而教之文辭日就己未年十八並中

鄉試兩場會儒奴作亂幾乎踣遂不赴覆試曰身易
毀志易喪吾不為也乃從文憲奇公大舟學潛心四
書參以宋儒書如小學近思錄心經未或釋手而尤
用方論語日言近指遠最切於日用又自謂沈潛涵
養真實刻苦求變化氣質而乃已故其後以告門人
吳公希古者亦狀益悅孳不懈初不求知而後自歸
焉既築介川精舍燕超自樂又上縣東二十里霞谷
蒙溪巖瀑之勝有書室游息與奇公蘆山草堂分東
西為區而文簡成子渾為之記復答書謂公以靜為
主其受許可見益公嘗與邊望庵以中訪成子坡山

而文忠朴公淳文清鄭公澈文孝盧公禎忠烈高公
敬命葛川林公薰以至文忠李公廷龜俱其所與游
者朴公暇歸羅州過縣中明日屬年位去騶御直造
介川公方一竹床坐朴公責以試之曰何不人
見我公正色曰公爲大臣不肯下士反責我可乎朴
公推謝因終身談服至有書以美又有詩贈別曰風
塵多少好男兒誰免勞心逐物移杳杳獨尋山路去
萬株松下一茅茨鄭公同門友也亦以公戒酒待以
畏友盧公固稱公講學楸淵而復以爲天網高張不
暇游雙濟青鶴是謂將有薦者云惟於文成李子珥

未始一識及癸未尼湯介之亂李子爲許葑宋應漑
朴謹元所誣而成洛爲之代草則公乃貽書成子以
世道爲憂其處義之至公又如此豈始父訓故歟公
性至孝有繼母李遇公不慈至有人所不堪公則起
敬起孝克執子道鷄初鳴正衣冠謁廟畢亟候李日
三以爲常李竟感悟恒戒其已出德龍曰處心行事
如爾兄可也德龍溺酒色素爲人所賤公顧友愛之
篤未或一毫拂戾鄉里競嘖嘖稱伏素慕高麗侍中
徐節孝稜篤孝好學之盛倡立慕巖祠以享又立石
縣東舊墟而乞朴公銘之白玉峯光勳書之風聲所

樹亦不獨祖母先故也朝論嘉其孝友授參奉公且自視欲狀辭以學未進不起李公盛時為縣令則文忠公廷龜父也推公為訓長以教一鄉後生文學始彬彬焉多出其門賊臣鄭汝立本李子門徒也壬午自主堂退歸托講學出沒方等山中眾莫不受欺而李潑兄弟亦為公說其博學公遂一再與汝立相識甲申李子卒則汝立輒附潑背李子進攻並及文簡至丁亥戊子尤甚公覺其心跡詭秘頗疑之會汝立為赴潑所歷介川訪焉公避不見汝立語家僮曰吾某日當復過此其語爾參奉待我及來公又不見汝

立怒而去公曰久欲斥絕今則可矣亟選吳公曰占走書曰公以文學自任人皆仰之今所與皆非正人請與公永絕遂並潑絕之李公盛怒得汝立書不答以語公曰公知汝立于我未一日有雅而移書責祭需有若上司號令其使氣凌人極矣必不善終因出書示之公曰固吾所面近聞事多凶慝得此書尤信不絕必有後福狀吾已絕交尚復何論乃相與斥其心術後聞汝立有聚眾謀亂狀因從李公請託家屬及借龍仁縣小庄曰汝立必敗吾不可不避李公許之時汝立下士猶恭而反形有未盡著文忠亦疑

其過計歸告婦翁權克智曰鄭某南中高士也既絕

汝立又謀避借莊可恠也於是南北士友稍有聞知

公事者已丑汝立事覺果走死而發等亦逮死人莫

不賢智公 宣祖親檢汝立文書得公書以問鄭文

清原狀作朴思庵而思庵以己丑七月卒而十月汝立獄事作則此必公家文獻之訛也後其裔孫鄭學啓來言此必鄭文清也此言信矣則對曰此南中高士以學行稱者

下教嘉獎特除 王子師傳是光海在潛時也

公一謝而歸若將終身壬辰四月倭賊大至 大駕

西狩而訛言藉藉道路謂李德馨王矣本道觀察使

李洸荐承 嚴旨不得下勤 王五月一路兵七八

萬會公州乃恠恠迺遇青嚴察訪姜弘秀來自京城

勸以急行洸不動助防將李由義已行至錦江及令

招還前僉使起復將白光彥高山縣監申景禧自請

赴難光州收使權慄長城縣令白守宗亦迭進爭難

并不許遽鳴鑼退歸大軍一朝奔潰洸單騎至全州

人心民衆在在相聚為盜及其再徵兵莫有應者六

月洸又自龍安諸邑迂行後期僅至振威縣距承原

府四十里猶沮撓不進越三日乃進則賊已遁只有

百餘遇于龍仁縣殺傷相當而洸及慶尚道巡察使

金晬忠清道巡察使尹先覺後改國馨擁精兵十五里外

自衛而莫之救白尤彥季之詩以前鋒孤行力盡而
歿本道防禦使郭嶸諉日暮靡退翌朝奪倉將戰而
嶸遽走沈醉先覺亦繼潰於是一路士大夫咸切齒
思奮公與進士朴公宗挺號蘭生員柳公思敬朴懷
王女首推懷齋朴公主謀倡糾義兵先告兵使崔遠
及都事崔鐵堅次諭列邑士民遠近為之風動文烈
金公千鎰領羅州兵數百先發忠烈高公及懷齋諸
賢募光州兵三百高公既繼行而懷齋則留本道團
鄉兵為保全根本計沈雖繫拘赴義者家屬欲其沮
萬方面有不恤者公遂募武人朴希壽馳疏 行朝

而朴公宗挺柳公思敬又與聯名請黜沈嶸債軍之
罪請簡文武大臣鎮撫召集請遣巡按御使諮詢宣
布尾又請保民心疾敬德察陰陽審賢邪任股肱而
以朱文公所謂真有志於恢復者果不在於撫劍抵
掌之間者申之疏凡一千七百九十九言明白周至
又嚴正痛切既達 宣廟始知湖南有義舉而沈果
拿鞫以白衣充軍碧潼郡是冬特 授公高敞縣監
以其劾近也公念時事孔棘僂勉赴之癸巳五月十
四日在縣衙清節堂有詩曰皓月盈天地人間夜未
央起看松竹影蒼翠滿池塘翌日忽感微疾以卒壽

五十一葬慕巖先兆戊申光海嗣位用舊學恩贈左承旨致祭 肅宗丁丑士林追享慕巖祠有子聖一及察訪聖俞聖敏

越松外史黃胤錫曰鄭公當文靖金子之卒已十九歲又里中子耳其及門否乎疑莫能明也顧奇文憲所與文純李子往復四七理氣之辨既莫不本諸金子有如吳公所記則公之以文憲為師者不亦金子淵源哉益其門路之正故竟為諸大賢所誦而百世之下猶可想其造詣矧義兵首事之功又實為文烈忠烈之前茅若後殿乎惜 宣廟寶鑑于丁亥戊子

事微有爽者于壬辰事又一切不紀則自有松巖奇先生挺翼狀行在焉吾得剡而著之

韜庵吳公傳

吳公希吉字吉之羅州人羅城君自治玄孫左贊成謙從孫也父彥麒始贅高敞縣公以嘉靖丙辰生魁偉簡密幼戲異凡乙丑就傅既長慕文靖金子麟厚正學大節為錄遺事因從其門人奇公孝諫受小學是婦父孝寬同堂也又從下公成溫鄭公雲龍講論無常師益出入父師間專意六經及宋儒書學與識俱進而一以孝友忠信為本甲戌喪父奉母鞠二妹

不喜交游不屑屑科業惟以母在或赴試母沒不復
出忌祀節薦及朝夕參謁并一遵家禮致誠敬尤篤
嘗於祭之日夙興將事既畢不徹圍以屏假寐其外
忽夢父母曰汝孝可感但飯有不潔耳公驚起慟哭
亟檢之果得一髮寸餘乃詣廟自答其後是日申誠
具潔又夢父母曰至誠所在吾寶饗之其追遠如在
者如此先是賊臣鄭汝立師事文成李子珣兼宗文
簡成子渾而又不仕托講學出沒方等山中壬午公
聞其學博一往見之時或歷訪甲申李子卒則汝立
遽背之附李潑一隊追斥李子以及成子而處心行

事多不可測丁亥春公始覘知與鄭公商議貽長書
告絕曰自此以後希吉之跡不復到於門下其反覆
曉斥幾千餘言己丑汝立謀逆走死而大獄作全羅
監司洪汝諄以公名在汝立門徒錄先囚全州獄以
啓庚寅五月 宣廟檢汝立文書得公丁亥書

特釋因令驛 召既詣 闕亟下備忘記曰予觀爾
書不覺嘉歎以如許學術之正所見之高緣何出入
於汝立之門平日師某人讀何書參初試幾度父母
兄弟俱在耶詳悉以對公 啓以實又 下備忘及
長書于政院曰忠順衛吳希吉言論平正的確朝廷

亦無此論其斥汝立詭慝極其形容有非俗儒所及
予以爲南中有人出入汝立之門而其論如此尤可
尚也此必奇士予欲授職其令議 啓領議政李山
海左議政鄭公澈領府事沈公守慶並無異議又
下備忘記曰當丁亥奸黨充斥邪說肆行李玘成渾
爲其所制雖朝廷之上無一人救玘渾斥汝立者吳
希吉乃能貽書逆魁推尊玘渾斥逆賊心術良用可
嘉不可不褒成子亦答書曰有此傾蓋殊以爲幸又
曰篤學趣操可謂不移於僞學又曰高邁秀偉固足
自拔於橫流其見重又如此六月六日 授 厚陵

參奉公上疏辭 批曰方逆賊欺世盜名詭不推許
爾之出入其門益亦非恠惟其出入而不肯比附獨
守是非之正此予所以特恕爾跡而深取爾心者也
古人取士其道不一可勿辭盡職辛卯四月十六日
授 慶基殿參奉赴全州府壬辰四月倭賊大
至五月公官滿當去顧大小渙散莫有固志乃日赴
府館與本道都巡察使李洸都事崔鐵堅本府尹權
燧本府提督官洪麒祥參禮察訪尹超及僚官柳訶
等共議兵事又與府人前都事李廷鸞俱習遠射遂
有糾義計因募呈才人驍勇者百餘名以屬燧時

本殿及列朝實錄並在府中沈等初欲就史閣中板
下埋安實錄俄聞本道防禦使郭嶸所捕倭賊於慶
尚道金山縣者裝中有所掠星州史閣實錄二張咸
愕狀覺埋安非計公曰我乃真殿官 御容一本正
當負抱跋涉死生以之若實錄非職狀今以此推之
他處所藏必已被焚不可不移安溪山亦安可無所
處置况我曾蒙 聖褒報効無地願并奉實錄少則
歿耳幸而獲全則庶報萬一也因曰古人藏書有名
山古塚復壁三策其處事密矣我東史家自檀君至
三國無存此必兵火所滅尤不可不念也沈等以為

狀屬公遍求一道溪山險絕處公以訪武人金弘武
弘武亦驍勇有膽畧乃與公及守僕韓春等日夜奔
走竟得一山於井邑縣南三十里內藏山中其絕頂
則隱寂庵也亦曰隱峯庵公歸語鐵堅曰海濱則扶安邊
山為可請姑移安急則當以舟避陸地則隱寂棧路
斷續充足為久計乃與鐵堅訂麒麟越往審之至龍
窟臺亦曰龍窟庵可望不可上惟越超上視之議乃定六
月賊入錦山郡晦日官軍遇于熊峙大敗報至先鋒
浸薄府城下士女軍兵鳥獸竄沈等又議擇儒士有
學行智慮者二人並參奉周旋而安義孫弘祿自泰

仁應募赴之公及訒乃與弘武義弘錄及春等先移
寶錄將袱袋橫各去之七月九日又移 御容將軸
端王飾及流蘇袱橫以至軸上尺許兩側寸許各去
之裹以油氈俱務輕約并 祭用銀器及史閣中高
麗史形止案諸帙五十餘默以行寶錄首安龍窟而
御容以次偕安寶錄尋移隱寂再相尤險絕處移
飛來庵九月自龍窟移 御容復偕寶錄安馬弘武
義弘錄等三人僧熙默等四五名近邑呈才人百餘
名則日夜衛庵臺不離公及訒自鄰寺輪直而公子
以精亦從既以報洗及都體察使鄭公澈以新觀察

使李公廷菴亦以申 啓幸而賊不浚 御容寶錄
獲俱完十一月公則官過期已久十二月仇貞禮云
誕自 行朝來代公乃遞歸而李道吉亦先後代訒
矣癸巳六月九日公再授 厚陵參奉有以亂初實
錄 御容有從輕約者為言則上言待罪自陳當時
圖保斷無他腸之實是月賊陷晉州 命自井邑俱
移西北 御容行次牙山縣權安 宣廟在行宮慟
哭命官祭告寶錄至海州牧權藏丙申 御容移江
華府丁酉又并寶錄由海道達安州牧至寧邊府妙
香山普賢寺以安蓋義弘錄陪至牙山轉赴江西行

朝而歸春獨始終六年勤勞居多又有守僕姜守朴也金金順卜自全州赴守普賢亦五六年可紀自公之遊雖非公所與亦莫非公功所暨也先是乙未七月奇公卒公為文祭之甲辰上疏三千三百餘言以革弊政得民心為綱以海溢水旱徭役煩重量田不均軍民侵漁節義不褒五者為目而請用李公元翼尹公根壽李公恒福三人上嘉之 特除沙斤道察訪是時錄扈 聖宣武二勲 上教錄勲廳曰吳希吉洪汝栗則係 太祖御容李爾瞻則係 世祖御容當亂係 影幀反重於護予之功皆可錄正勲益

汝栗以慶州 集慶殿參奉爾瞻以 光陵奉先殿參奉實與公同時同功故有是 命而柳永慶當國為元勳與爾瞻分黨相惡遂并公沮之戊申光海嗣位庚戌公又上疏五千餘言首陳傳心之法以及治體次陳進學之要以及用人次請輔導東宮以延國祚終請崇獎道學以正士習而謂金公淨奇公遵不及與五賢從享文廟者為可恨又謂馬融杜預王弼何休及崔致遠可黜又謂箕子廟宜復額求其後以祀其言尤明白懇切識者避之是年除平陵道察訪壬子六月間脩 宣祖實錄廣求逸事乃隨疏進康

寅所被 褒敘及壬辰奉 御容實祿時事請下實
錄廳資考七月禮曹啓陞八品癸丑九月授東部主
簿甲寅十月韓春訢禮曹請錄公壬辰功禮曹請公
及春俱褒則光海可之柳希奮亦惡爾瞻同功格不
行先是戊戌 慶基本殿火至是十一月命全羅觀
察使李慶全重建告成命中官崔彥俊左副承旨李
好義禮曹參議金閔自寧邊奉 太祖御容還安而
祭之公時為監察特命為初獻官又畫像賜之因除
泰仁縣監所以表公功也公亦感激 兩朝恩與一
心奉公清白自厲丁巳三月柳訥子景纘言公既蒙

恩而其父獨否又有南原生員崔尚業為崔鐵堅上
疏請與公同錄金弘武以軍功訓練正暴與公同事
狀八月公從子乞依汝粟爾瞻例錄公而乙卯有誣
者子以精先被拿囚刑曹公又遞赴漢城戊午七月
以精又繼之竟只錄衛聖功臣原從一等贈父承旨
衛聖者光海錄壬辰為世子監國時衛從
諸臣者也癸亥反正并刑惟贈父者否 時柳希奮
李爾瞻朴承宗并稱三昌元勳迭相傾妒而許筠又
甚至謀害 西宮既用事公遂見忤已未謫巨濟中
瘴毒瘵痢癸亥三月 仁祖請社而七月二十九日
公卒未及釋壽六十八遠近士大夫莫不傷之歸葬

淳昌郡新坑有二子以粹以精公不事辭章有道東

淵源錄三卷及日記私藁若干藏于家按吳譜公無
从于本文以

子疑即再從子以
武娶公舅文者

越松外史黃胤錫曰世稱公壬辰之功非細也狀特
其餘事耳何者吾東大儒道學文章節義之備如金
子者殆無幾焉矧湖南師法之尤切乎公之少日已
私淑有得而又游於其高弟奇氏及下氏則淵源固
正矣鄭氏亦後學逮聞而有起者歟公之從之必非
偶然今據庚寅 召對之辭尤信抑其發諸前後二
大疏凡所以拳拳乎君德時政而必以正學為歸者

說非本諸師友身心之際乎誦其詩讀其書可知其
人茲且挈其大者以補 宣廟寶鑑云

樂齋趙公小傳

趙公瑛號樂齋淳昌郡人父元吉事高麗恭愍王檢
校門下侍中洪武己巳與鄭公夢周偁公長壽共立
恭讓王有功官重大匡王川君時我 太祖大王威
德日盛天命人心已有所歸乃退居郡之金掘里自
號農隱與圃牧陶谷四隱相追逐切磴累徵不就
有四子公其長也將生母金氏忽夢一老嫗手白璧一
雙白華一枝自天來歸故名曰瑛及長容貌氣度允

叶厥祥有大人君子之風性允儒雅謹儉服父訓師
古道又游於一世諸賢通經篤行不恥聞達惟以善
父母兄弟自勉衆嘖嘖稱之有以薦者授書雲觀副
正時事已非不仕南歸極山水之樂 聖朝革命益
無世念 太宗大王徵以工曹參判 世子師傅
召命前後狎至并不起時其弟處谷瑜亦爲麗氏守
節再居廬 世宗大王除漢城判尹不出終身稱前
朝副正 太宗下教美之曰父子三賢每月白風清
自悼身世攜一童子琴榼陟家後最高峰頂一彈一
酌以自慰有時鼓琴間歇北望松京歌曰白雲知我

心青山如故人欲說亡國恨雲山默似顰後人因名
其峯曰停琴山又有近體一律咏夷齊田橫故事以
示意者一傳一逸其清風大節斯可見矣有二子龜
山司正斐生員

越松外史黃胤錫曰昔史遷傳夷齊稱其得夫子而
名益彰豈不信哉蓋當勝國之季其卓卓不貳之節
古已記之矣若公一家忠賢亦庶乎三仁而王川公
紀在徐氏勝覽處谷公亦狀況近自我雲樓先生爲
處谷表章以來雷淵南文清有容又從而徵之則處
谷聲名昉得與日月爭光矣惟公子孫文獻之傳僅

一綫比耳年代既遠丘墓亦失絕世行所記又無以
早告于大賢之門者墨陳紙故明滅於殘螢老蠹之
間吁其悲矣公評在人人心不灰乃有若余者秉彝
所同猶能以雲樓老門生喜談四百年放失舊聞爰
始撫郡誌家譜繼先師書之以補其漏尚熊熊白虹
生黃壤動人也

梅堂慕亭二楊公小傳

楊公墩字亨叔汝君厚南原人始祖敬文高麗知寧
越事八傳至以時生員狀元文科官集賢殿大提學
知中事牧隱李文靖公穉稱其愿而慤言可信載徐

居正勝覽能詩有稻花豆葉一絕亦載徐氏東文選
及明萬曆中會稽吳明濟朝鮮詩選其子首生文
科集賢殿直提學早卒妻李氏鞠遺腹守節我世
祖大王旌間封墓歷晉州判官淵至縣令子瞻有四
子長培號龜巖次即公也縣令有弟子田進士文科
成宗朝藝文館奉教 經筵侍講官知製教持平
掌令執義以公為後公丁酉進士與兄俱有俊聲南
秋江孝溫為金榮叔作鑑亭記稱二公才士而質其
得友云及燕山戊午甲子士禍大作則絕意仕進遯
世自娛所居淳昌郡龜尾里西有散人洞洞西有東

西二石巖臨江一日培巖一日墩巖兄弟分占日釣
游其間蓋混名樵牧與漁子爭隈也里俗至今傳道
之不衰公晚居南原府之阿山坊癖梅盛植自號梅
堂其後有因號世梅而河西金文靖先生麟厚為賦
詩者以此又卜東數里茱萸梁上築光霽亭以寓濂
溪之慕稍移南數里甘隱山下沒而葬焉有三子長
公健次公信其季公休四山監役號伴仙亭有白雲
居士邕夢辰為賦赤城詩河西和之曰聞說江邊好
事翁白雲題詠揭船中只今爛卻沙頭月夢裏滄波
舉眼空自註翁指伴仙也公健子泗泗子希迪

楊公希迪號慕亭即梅堂墩曾孫也自阿山又稍移
城南坊之寒沙峴性英明剛毅自幼已志忠孝萬曆
壬辰四月倭賊大至 宣祖西狩公晝夜號泣幾忘
寢食五月與同志成均學諱月波柳公彭老吏文學
官青濟梁公大樸赴光州見霽峯高忠烈公敬命曰
主辱如此吾輩倡鄉兵北首勤 王何如高公欣狀
曰子實先獲亟馳檄遠近約會潭陽府建旗鼓時右
道則健齋金文烈公千鎰在羅州為義兵大將左道
則高公為義兵大將而柳公梁公為從事官正郎李
公大胤正字未能齋崔公尚重前直長漁隱楊公士

衡及公為募糧有司漁隱即公三從兄弟也無幾公與進士朴公大挺統州人即關為赴戰運糧將李公崔公為在鄉運糧將公在義陳草回文遍諭一路曰義兵來月十一日將發諸具既備而軍糧獨無出處大將已收議令近邑隨辦凡倉土地有餘積者皆可任多少以助樵爨此乃一軍之望也向所得軍糧半歸輸送之費如人馬日用皆已出此故也或精兵或戰馬服馬各自隨所有出助千萬幸甚六月金文烈先發高忠烈繼之義聲四馳兵糧輻輳或在鄉接濟或赴戰奔走雖高金二軍先後歿敵而又有金忠壯

公德齡亦得次第而起於是湖南左右三義將之名聞于天下矣即公一身偶不至歿要之其始之倡議其後之督運與三將何間焉是歲十一月有命設軍功廳賞義士以職自僉正郎主簿以下有差而公授奉訓郎內瞻寺判官卒葬本坊甌山下木瓜山過者尚嘖嘖指點云

越松外史黃胤錫曰往余習楊氏文獻其上下五百年人物亦嬪狀盛矣試舉梅堂慕亭二公之遺不亦駢美一門哉夫以秋江之高亢少許可猶亟稱才士則梅堂之難弟已可略約想見况其用晦自明超狀

乎濯纓寒暄一網之外而慕林氏周子之餘韻者益
令人遙聳而無已乎慕亭亦一布衣耳為湖左大義
倡能令高忠烈一言傾動非夫素畜之厚未施而信
則能乎哉顧年運以往聲光黜昧自巾行回文一紙
與夫趙孤山慶男野錄寂寥語以外有未易詳者何
也世之秉朝論者徒以跡不以心其發所到如金
高諸公尚矣而柳公猶贈司諫梁公猶贈參議
楊公猶贈承旨崔公在世亦猶出入於玉堂惟公
一判官曷足為百世勸哉噫其義舉初非有所為而
為之則亦不歿潛不潛亦爛熳同歸於靖獻之地耳

公其何恨之有朕今聖明在上大舉闕典凡前朝
遐土事苟可徵莫不為之表章而老臣病不歿猶吃
吃談古道如此學士大夫其庶有以梅堂慕亭二公
上聞者乎謹掇管遲之

故處士龜巖楊公進士梅堂楊公合傳

龜巖楊公諱培字而厚南原人自高麗知郡事敬文
人傳至集賢殿大提學知申事以時恭愍癸巳魁生
員乙未文科為人慤信從牧隱李公穡游受許可甚
重見徐氏居止勝覽其稻花豆葉一詩見徐氏東文
選及明會稽吳明濟征倭時所編朝鮮詩選是生

集賢殿直提學首生禍丙辰中生員文科在松京早卒妻李氏年幼有遺腹父母欲奪志既生子思輔從一婢負而逃并夫舅紅牌自隨至南原夫家鄉庄轉上飛鴻峙西望擇地得淳昌龜尾里居焉鞠子中進士官縣監其盛年苦節與同時恩津宋進士克己妻柳氏光山金檢閱問妻許氏并稱三烈婦用能革羅麗夏二之醜啓 祖宗敦五之盛而 惠莊王旌閭封墓繼以李文正粹立傳盛矣哉又傳判官淵至生員縣令子瞻以孝友清白著娶府尹順興安知歸女亦有閨範是公父母也公自幼與弟墩服庭訓崇孝

師以曾子溫公爲法推之睦婣任恤靡不用極餘力學文蔚有重望南秋江孝溫爲金榮叔記鑑亭稱昆季才士以智其得友燕山戊午甲子士禍再作尤絕意科宦語及時事輒慷慨烏邑卽里西鍾湖上得一洞清搖沈冥若將終身時昆季并自號散人則洞之名散人始此有東西二石巖屹立江心摠名釣臺而兄東弟西各占其一刻東曰培巖西曰墩巖蓋混名樵牧與漁子爭隈而不愠於不知也是于家乘郡誌尚可徵者惟公生卒無紀惜哉妻直長密陽朴仲愚女 莊憲王作樂名臣判書奭孫也與公上下葬于

鵬山新陽洞一子公俊丁卯生員庚辰文科佐郎孫
洪康子生員文科府使曾孫士選有庶裔世傳恭謹
士敏將仕郎號雙梅堂孝友自律慕柳文節希春盧
文孝禎學問士獻進士其後移益山士衡稍移龜南
里築映霞亭亦號漁隱早游柳盧二門己卯生員戊
子文科佐郎知製 教體察從事官至郡守壬辰之
亂與柳學諭彭老梁學官大樸李正郎大胤崔正字
尚重及三從弟判官希迪大募兵糧共推高忠烈敬
命爲左道義將貽書方伯李沈責以大義丁酉又與
丁牧使炤邊參奉士貞糾義再舉錄宣武從勳 贈

都承旨 當宁丁未追享于郡東華山祠公子孫今
百餘人始鄉人以公里有龜巖故因以號之非公所
自稱也 當宁戊申士林並享公昆季于瑞龍祠
梅堂楊公諱墩字叔亨改君厚龜巖之弟也初叔父
子田 惠莊王乙酉進士戊子文科 康靖王辛卯
以藝文館檢閱轉奉教移正言持平掌令執義兼記
注侍講官知製 教出郡守有聲績無子以公爲後
公自幼從伯氏服庭訓孝弟既篤百行咸備餘力爲
學爲南秋江孝溫所推燕山政亂絕意名塗自放湖
山如鐘湖散人洞寔昆季俱遊之所而江心二釣臺

東曰培巖西曰墩巖各自斥名甘混樵牧者其微旨
可見也 恭僖王改王公乃以丁卯就試中進士若
將乘運彙征而猶且囂囂狀不改其初其殆先見於
已卯歟公晚歲自淳昌移南原阿山防爲近執義公
天履之藏也素慕林君復風韻植萬梅實庭呼以梅
兄以寓長枕之戀因號梅堂又就下流數里許菘豆
梁上築光霽亭蓋濂溪之朝暮遇也日消搖鵲咏爰
有金文靖麟厚張沙村經世諸賢記以詩一世高之
惜公生年失傳以壬辰卒葬于本坊甘隱山南妻通
德郎光州鄭承順女有婦德毋儀三子長公健次公

休授四山監役不仕季公信公健孫希迪壬辰倭亂
募義官判官公休還居淳昌卜華山之西赤城江上
築伴仙亭扁其軒曰世梅如晉山姜氏故事有白雲
居士爲賦赤城詩金文靖和之曰聞說江邊好事翁
白雲題咏揭船中只今爛卻沙頭月夢裏滄波舉眼
空自註翁指伴仙主人也先後又有蘇陽谷世讓林
石川億齡白岐峯光弘鄭郡守希濂林觀海檜並爲
之有詩其子沆有文行重望早廢公車作餐霞亭于
赤城下流亦伴仙遺趣也子士秀號華隱簡亢少許
可不一跡公門只誦邵子四不出故語修先亭揭諸

賢詩傳至今不衰多其力也 當于戊申公與伯氏
并享于瑞龍祠

越松外史黃胤錫曰余自童時已聞二楊公名德之
懿稍長又得家乘及郡誌講服之熟重信一門之多
賢何其偉也原二公志節見識不以遇昏而無傳不
以際 明而有耀使夫百世之下猶知有楊氏二難
斯已難矣况觀人之法必於所與秋江翁東國所謂
生六臣之一也得其一言不亦尤難而公昆季居狀
得之俾其友亦得得友之賀只此一言其為重也何
啻尺蔡拱壁宜其子孫之承士林之仰愈久愈光雖

以若余之不能為役猶得有所據而申之嗚呼石室
金匱有修隱逸之傳者其尚曰夫夫也非誣者乎

故四山監役伴仙亭楊公傳

楊公諱公侏字彥衡南原人諱自高麗知郡事故文
人傳至大提學以時魁生員文科愨信能詩見牧隱
李公穡集徐居正東文選輿地勝覽及 明會稽吳
明濟萬曆東征所輯朝鮮詩選是生直提學首生生
員文科在松京早卒妻李氏盛年守志負閔腹子思
輔并夫舅紅牌南走南原鄉庄卜淳昌龜尾里止焉
鞠子成進士縣監 世祖命旌閭封丘李文正緯銘

之歷判官淵有執義子由進士文科薦檢閱至執義
取兄縣令子瞻次子墩子之墩孝悌文學名于世爲
南秋江孝溫所重燕山政亂與本生兄龜巖培俱避
世游鍾湖散人洞得江心二釣臺刻東曰培巖西曰
墩巖各自斥名若將終身 中宗反正以丁卯中進
士而終不改初服姑先見已卯云晚居南原阿山里
爲邇所後父墓植梅樹滿庭自號梅堂有孤山風致
又慕周元公宵襟築光霽亭娶將仕郎光州鄭承順
女舉三子其仲即公也以燕山壬戌生溫厚端莊簡
默寡言喜怒无孝悌剛明事父母養志物無方叱咤不

及狗馬閨門斬斬如也推諸睦婣任郵各以其道燕
笑歡洽威儀棣棣而鄉里有訟輒一言折之不爽豪
达訟者自服不就官或乃望其門徑去公旣夙謝功
令用小學自律又以訓子姪不倦常曰士之立身先
行而後文可也晚歸淳昌卜郡東華山稍西赤城江
重淵之上築伴仙亭漁釣自放侑以鷓詠有白雲居
士者爲賦赤城一絕金文靖麟厚和之曰聞說江邊
好事翁白雲題詠揭船中只今爛卻沙頭月夢裏滄
波舉眼空自註好事翁指伴仙主人也于是 一世高
之稱公曰伴仙亭又慕先梅堂家風裁梅林繞屋用

韓氏世柳姜氏世梅故事自號世梅堂先後有金文
靖及林石川億齡蘇贊成世讓白岐峯光弘鄭持平
希濂林觀海檜諸公并賦詩記之有以公隱德尉薦
者授四山監役不就郡守以 朝令採鄉議將復舉
以賢良公力辭曰一命已是分外此又奚爲郡守爲
之改容恆語門族曰吾家自勝國沈今科宦莫非先
李妣苦節餘慶如我諉謗方自視欲狀恐爲人笑其
平生高厲多此類自是雖累舉不一舉而終若不聞
也者用能不愠不懼不易不拔視羔鴈鍾駟一切付
諸浮雲則區區家人之作葉鄉里之閒言又安有非

義而于者乎 明宗庚申考終于家壽五十九葬祔
父墓于沆 中宗戊子生世濟文行有志節見識廢
舉葉構馨霞亭于華山下妓巖之側詩酒自娛諸賢
亦多與酬唱者 宣祖癸巳卒葬亭後子士秀忠順
衛 明宗乙卯生號華隱簡亢少許可人咸敬畏亦
謝科不一踏公門常誦邵子四不出故語修伴仙亭
復揭諸公詩 仁祖庚辰卒葬郡東昌新驛後爰有
四子伯時幹 宣祖丁丑生孤潔寡合文行備焉每
茶酒論時事慨突兀其言大而密高而切觀聽竦
狀惱累舉不中光海辛酉嘗一赴京中覆試見大北

三昌一隊囑賂曲徑折試卷不復出自以世守世梅
軒故自號梅隱仲時茂叔時泰李時復說說無忝仍
累世可紀今公八代孫墳亦有文無成實梅隱玄孫
而肖者也

越松外史黃胤錫曰楊氏之門何其文獻之多也又
何交游淵源之盛也若公者使得益廣所與先已卯
而從乎趙文正先乙巳而從乎全文敬則公之聲光
事業不亦暴著當世乎而乃歛狀退狀山鳥水鳥有
不以一名博者嗚呼已卯乙巳之際宏儒碩彥豈不
項背相望而其實未及而禍已隨者亦已不貴則公

之終身不出蓋有以也不狀何以見君子余嘗一再
過華山赤城間見巖秀壑流已俯仰公遺躅而今復
得諸家乘若郡誌恍然曠世馨歆而後公三世亦灼
乎可書高山仰止嘻其遠矣豈易與不知者道哉狀
公所以為公又不專在幽貞有欲知公其試求諸小
學則幾矣

雜著

題吳生在浩松下獅子畫幅寄柳孫希柱 丁未

獅一奮迅驚天怖地維虎象熊腦裂而殪陸圖蘇贊
已足千祀鬼鬼紫陽重以孟北既又撤遺于勉齋子

期諸獸王剛爾健爾匪私外孫我亦睇是爾希勗哉
毋曰迂止

金姪宅煥字說

元季丁酉十月十七日巳酉水樓翁冠其子宅煥有
拘不克備禮乃依宿賓遺儀前期屬余仍其少名而
祝以仁而字之則已盡之矣余止配伯仲若甫如古
者且字耳其何辭之贅狀竊聞之孟子之稱仁也首
曰天之尊爵末曰人之安宅夫不以天地生物之心
惟仁也得之最先而遂兼義與禮智而統之譬之亨
利貞之有元仲叔季之有伯乎其在於人又本心全

體之德也有天理自狀之安無人欲陷溺之危人當
常住其中不須史離譬之行者之卽其家居者之處
其室回視道塗之棲遑風雨之凌震不尤泰賦康寧
矣乎是則尊而安安而尊其勢動必相須而天下之
廣居得矣仁顧可不勉耶蓋惟聖之盡倫昉不失夫
全體而初學復性之道當自善乎父子而始推以之
乎君臣夫婦長幼朋友皆是物也故曰親親而仁民
仁民而愛物而尤庵宋子之於河西子亦曰先生之
義既盡乎君臣則其盡仁乎父子可知意者先生盛
德雖固本諸天賦之仁而正體表德其有得乎家庭

師友之期待者又隱約有徵則目今 朝野之一辭
崇奉門戶之十葉昌熾曷嘗外於仁體之範圍哉矧
爾先曾考先王考兩世敦孝不幸不章比稍稍發之
科蔭信乎仁孝之必有報也庶亦自外至者耳烏足
有無於為仁往默翁先師命麟孫字說既拳拳欲其
仁而進乎聖賢又欲其惡不仁而盡夫仁夫如是自
己之私有不克乎天理之公有不純乎五倫有不盡
乎五性有不復乎一動一靜一語一默殆無往非仁
而以其安則安帖以其尊則光榮此吾與若翁所共
受於函席而若翁所以自勉而勉爾者也若余之狀

獨惟于爾之降吾先子晚隱老人實取魏氏宅相之
說名爾宅煥而要其指歸未始不與諸大訓相會請
試參而行之字爾曰仁伯爾其上以服乎賢聖下以
念乎父祖一心敬畏惟仁是求安且尊惟爾危且辱
惟爾宅乎勉乎哉伯舅承叟書于頤齋

自叙說 丁未

余少時讀書寫字候星占月登高望遠明燈達夜勞
心費力其於經書史集心性理氣聲音篆隸圖書醫
藥家數一切凡流百家無非思索之地已嘗苦頭目
眩暈矣乙酉丙戌間撰先世行狀數月而畢則始有

看一成二之病自是見月則月成數三片見星則星成一字樣見人則一人成二人至辛卯草土三年辛丑又草土三年則前後頭風大發嚔巾大熱汗丙午七月赴官全義因漸目昏難於署押益本病以外添以朱墨政事之勞故也今夏罷歸日增月加自十一月初一日間左目始覺全醫望後右目亦次第不明自念此是四十餘年積傷所崇抑少時聞靈光柳交明象評余大紫微命格日晚必失明天命使朕尚復何恨但先子行狀自壬辰脩遺藁以來非不念念結轡而古人如歐陽永叔作其先人龍岡阡表猶待晚

年蓋必年進識進狀後方可有辨於遺言遺事可書不可書之際而永後世無譏也小子竊有此意不免遲留自丙午冬後則日益昏心益懼既封致遺稿于官齋間一畱念多拘未及下筆而卒雙昏如此不惟是世古學經心亂草盈架不住脩跋月添年增苦無書手未及哀理而病乃沮之此又吾子孫千古一恨也奈何

記嚴戶長事略丙戌

世祖丁丑 端宗在寧越昇遐人皆畏禍不敢視本郡戶長嚴興道負棺負至北五里鉢山將葬于其族

葬處在慈山春路傍棺因傳地不可動卽而葬焉此
雖俚傳而忠義所感有不可誣者 顯宗已酉九齋
宋文正公領 經筵啓曰臣待罪銓曹欲錄用興道
子孫而不知其有無今聞或在本郡或在槐山其在
扶獎節義之道合加收訪 上允之 肅宗乙丑士
林立祠于今 莊陵側享六臣而興道配已卯復
端宗位號 贈興道承訓郎工曹佐郎因 命訪其
子孫則清州人嚴信武守漢齊先代戶籍族譜歷謁
公卿左議政崔錫鼎書答東平尉鄭載崙以為興道
墓信武云在清州守漢云在義興其戶籍又無及興

道也不以信庚子本府使任舜元搜 宣祖辛卯戶
籍有展力副尉嚴漢呂者父希齡啓功郎祖和將仕
郎曾祖好賢將仕郎又有嚴承軫者其妻父和祖好
賢曾祖興道以兩籍并而考之漢呂之爲興道四世
孫明矣漢呂有三子曰應垣應平應一自辛卯至丙
午應平身故已酉應垣應一俱以騎兵逃役去籍遂
絕任公意後日有考封藏官權私錄一本以歸 當
寧丙午因後孫清州人從漢等上言 命益興道間
丁未 莊陵叅奉李措屬甥姪屏濟尹公鳳九爲興
道立傳并錄故判書朴忠元祭 端宗時事本府使

尹陽來所撰道八溪墓碑用續陵志甲寅從漢與
槐山人嚴世昌醴泉人嚴聖和重一等刊族譜而從
漢則以其先光舜為好賢之弟世昌則以其先順為
和之弟聖和則以其先漢義為漢呂之弟若求可證
明文無有也但從漢之祖海立有免役官案稱興道
四世孫海立以上三世又載義興戶籍則元舜之為
興道子似有據世昌一派則宋文正公已稱其居槐
山亦似非希 恩妄認者至於聖和重一則嚴翊泰
序譜謂醴泉舊譜漢義果係希齡之子而漢禮還歸
故土漢義仍居醴泉聖和重一為置八溪墓田年年

省掃漢禮即漢呂音轉而異也已未叅判朴師
審 莊陵 啓曰聞興道子孫移寓嶺南者往來修
墓亦能儒業擇其尤者授以相當職幸甚 上允之
癸亥禮曹叅判李周鎮還自奉審又 啓興道義烈
與六臣無間而所成就則過之先正臣宋時烈已經
建白 贈職守塚因有子孫錄用之 命而散落無
存不得舉行臣於奉審後即問興道墓所則一芥之
土蕪沒原野而邑人猶知愛慕每年春秋香火不絕
遐氓亦賦在 朝家樹風聲之道豈無加 贈其祭
需請并令官給 上曰賞典固不可濫但興道之前

既無興道興道之後又豈有興道乎况在 先朝曾
已推 恩其於今日可不繼述可令超 贈下大夫
本道給祭需是年十月果 贈通政大夫工曹參議
戊寅又加參判丙寅京中人嚴瑗自言舊傳興道後
孫不能詳其世也近以曾祖起生戶籍歸準本貫始
得詳焉益起生當 仁祖丁丑以都監斫手當南漢
受圍肩夫石守堞晝夜風雪不少懈 上勞之曰他
日不汝忘起生感泣益勵及昭顯 孝宗入瀋陽則
又慷慨請從 國制從軍者三月而遞起生畱不去
十年暴露多保守功作軍中忠之樂至今傳 世朝

廷記其勞階通政陞嘉善至 肅宗丁亥年九十二
而沒文學李瑋校理申請夏為之立傳洪世泰叙其
後起生父即應垣或云應垣或云應元自本官逃役
居高陽自稱嚴居士沒而葬焉祖即漢呂曾祖不知
名此於任公所搜鑿鑿相契但名字訛誤無惟乎其
不文者之為也沂而數之起生之為興道六世孫甚
明數百年未之不得者今乃得之奇哉嗚呼起生前
之丁丑乃祖効忠後之丁丑其孫効誠甲子三周而
祖孫偉狀當 肅宗追褒興道追罪貢生之日有能
舉起生以 聞者其所記勞豈止南漢瀋陽而已進

士任選宗人嚴璘尹公陽來李公摺府使曹夏望既
皆記之庶來世可徵又按起生子信贊嘉善其子後
安後善後延而後延之子即瑗改名啓祖者也自興
道以後其裔有散居洪川金城地者相傳是興道子
孫而考其久遠戶籍則洪川嚴尚寬祖命仁者父泰
運祖應鶴曾祖漢補此二世名與應坂漢呂同一行
字亦非妄稱故洪川縣監李均以述於譜序承軫則
子天一定一天一子海守定一子德守海守子三上
亦曰二尚其子悌漢以世居本府祀興道之故 當
寧戊申參判呂必容 啓請永免軍役嘗經 莊接

假官其子虎錫又差五臺山史庫參奉夫戶長下邑
一首吏耳宜不煩士大夫掛齒而惟嚴公愈久愈光
列朝之褒崇諸賢之表章至矣盡矣雖以余之無
似猶且筆之於其內外微裔亦一一討譜欲歸示士
友而廣其傳也世之以嚴公無後者尚亦鑑茲

記柳允吉迪疏事 已丑

自允言赴謫余在持被聞晚不及往別助贖每念三
水極北二千里未知幾時能無恙得達否心未嘗忘
也昨日其季達卿偶來相慰因言已送伯氏行矣雖
余亦爲之太息且曰伯氏此舉令一路生色令一國

聳聽不可無傳於後子其一一言之吾當筆之達卿
曰朕今年二月二十日如會多士于光州魚登寺通
告一路三月十七日受會于羅州雙溪寺吳上舍時
裕爲疏頭四月初二日移疏聽入羅州蒼土齋五月
州人李璣投文詆吳吳引退多士復通告大會伯
氏爲所推見致三幣辭不可得乃出行疏頭事初九
日又移于光州喜慶堂十七日陪疏發行二十四日
與叅疏諸人都會全州六月二十六日入京城先是
自甲申 中批從享以來朝論承順公議拂鬱申以
御製裕昆錄頒降而一時士林之愁沮極矣間有

一二搢紳稍一開口輒得罪京儒李鼎烈沈儀之嶺
儒成岱柱等相繼疏請釐正裕昆而伸儒賢罪名亦
竄逐甚或爲民已成一大時諱以禍福相戒而大學
諸生又希望北路人金淑鳴無言得官故事噤不言
有年比則廟堂嚴飭五部民旅店接客者至於捶刑
意益在疏儒也時又 上候未寧衆議不敢投疏瀆
擾而旅店不容寄住七月初三日入泮邨復被逐出
梨峴十五日轉出青坡二十日再移敦義門外圮橋
大抵務得免逐權示隱諱以待機會而已奈人多食
之不可儲爲久計而嚇喝且四至諸人往往徑歸伯

氏獨不動因畱八月初二日乃始奉疏伏慶熙宮外
晝夜不離跣步初六日聞有命詣明陵姑退寓
闕下路旁小屋既累日露處泣利作矣初十日
駕還十一日曉又伏闕而政院終不捧入因斥塞
蔽侵夜乃退十二日又伏闕斥政院政院相率避
出適值有命詣仁顯王后誕生遺墟追慕洞碑
閣又復姑退天且雨寢命十三日駕還又伏
闕政院以疏有違格更令改寫未及完遽命袖疏
入侍益此疏本大意先請裕昆錄刊滅次請崇儒如
祖宗家法次請亟撤朴世采文廟從享次請優容

前後言者尾又以正言金欽九請毀祠院一節請
命加罪而因斥政院以結之矣既入侍上曰進前
近伏乃就伏小闕外上曰入于房內乃入伏上
曰汝居何處對曰小臣居全羅道上曰何邑對曰
光州也上曰汝是何許家人對曰臣故教官臣世
翊之曾孫也上曰何乃獨疏對曰初非獨疏自三
月大會本道多士近二千人由羅而光大議疏事而
臣忝帶疏頭終不敢固辭臣若固辭則多士必謂臣
怙懼時諱况此事大係名義又是一世公共之論故
臣敢出頭治疏與多士入京則王候違豫不敢投

進退伏有日而糧已乏矣乃與疏色諸人商議送歸
臣若亦歸是欺國而欺世也以此獨留既得伏
闕四日又值陵幸因仍遲滯今纔上徹矣上曰
汝於先正臣有骨怨乎未及仰對上又曰有疏錄
乎對曰有之矣上曰疏錄中人數幾何對曰未及
二千恰成一千九百餘人矣上微語曰甚多甚多
如是者三又問承旨金光國曰嶺儒則疏錄幾何
光國曰其時臣適在外未及聞知矣上曰知入光
國即出攷啓曰一千六百人矣上曰湖南多於
嶺南矣是時疏本在御榻咫尺而不賜省覽因

又微語曰疏語雖不見可知可知又曰疏錄入
送汝則退去可也乃從開陽門退出俄而命爲三
水府鄉民三倍途押送遂出敦義門外將星夜奔馳
而無資無騎躊躇街上兵曹書吏五六人率驛夫促
行甚急顧夜深不得已待曉十四日朝國舅金府
院君漢耆驢以三兩錢金麻田相戍以五兩鄭都事
日煥以一兩沈君儀之以二兩鄭判書實以五兩除
償青坡圮橋兩主人宿債外只餘五六兩成君道欽
又撥力出債二十兩助費秉彝之心世猶有其人乎
圮橋主人李姓又嶺儒主人也有義氣相感前後疏

儒雖乏金至誠善餽嶺儒赴謫六鎮能從行六百里而還彼微猶狀太學廩養獨何爲者抑我湖南亦非無異議或沮戲或觀望或先諾後悔而參疏猶若是鮮雖畢竟嚴旨爲民而其視千駟萬鍾何如也噫吾家溫叟幸也吾於爲民乎羨之何得始允吉舉事有自南來者報余余未之甚熟而宋仲建獨熟謂余曰夫夫也雖死不撓余曰信乎仲建曰信益外議初皆謂其必死乃我聖上雖以調停之策不能不降罰而入侍之日天語溫諄如老父于少子庶幾改之臣日望之嗚呼仲建之言果信矣允吉真不忝

先世沙溪淵源哉謹私識如此冀余之文賴允吉不滅云

書白雲秘笈

自高麗史有新羅僧道詵入唐傳一行地理法以還之說則至今九百餘年靡不曰狀而世又有一種說以爲一行望氣知道詵生于今靈巖鳩林崔氏女家囑海舶誘以珍玩至鳩林四十里海上舶載以西俾傳其風水其舶載之地俗猶呼阿伊川阿伊者方言見奪也謂其母有子而見奪也蓋上下今古舉謂道詵之於一行親面師受狀試攷諸唐書及輿覽則一

國齊蒙
行卽凌烟十八學士張公謹孫也遇異僧于天台山
國清寺學九數遂通易大衍法隱嵩山玄宗開元九
年辛酉奉詔造大衍曆十三年乙丑造水運渾天儀
十六年戊辰八月行大衍曆曆成而一行卒是卽新
羅聖德王二十七年下距唐文宗太和元年丁未新
羅興德王二年積一百年矣道詵生于丁未安得親
受於一百年以前之一行哉蓋其入唐猶崔致遠故
事而得一行以後再三遞傳之地術耳則麗史非誤
而後人自不免誤認爾乃今所謂唐師傳道書者亦
沿其誤以爲一行先知道詵之自至而因又親授此

其輾轉而稱托尤明矣狀其所說九星一法如元劉
秉忠地書又已言之豈此或出一行而在東國爲道
詵所用重爲國初無學所用其在中國爲劉秉忠
諸人所見而自秉忠不以爲可用則東人亦中間數
百年不用而今始出於積廢使夫寡聞驟見者相詫
以新奇歟是未可詳也若其一行道詵親授受之誤
則不可以不辨故辨之而其法之中不中則世必有
經驗者吾何強顏於其間哉

題栗谷外集與鄭季涵書後 甲辰

云云且中前日下詢事商議于浩原則渠見

與珥無異蓋三年之喪二十五月而畢是聖人之中制也厥後因註釋之誤引之於二十七月行之已久從厚無妨故朱子亦因而不改但禫後即同平人無復拘忌則朱子因俗而亦不欲過於聖人之中制也今者二十七月畢喪而又待逾月吉祭乃從仕是三年之喪二十八九朔而乃缺缺缺缺缺此是非禮之禮思以下缺

按此書辭則其曰下詢者蓋鄭公以禫後又逾月吉祭乃從仕可否為問也粟谷牛溪之意則以為二十

五月大祥乃古禮而中制也於是月畢喪而復禫不待更逾一月故通典所載王肅說以中月而禫為月中是謂就大祥本月之中而禫猶今俗言月內者也夫狀後三年問本說與檀弓是月禫徒月樂之說相合而不悖故朱子已謂當如王說惟鄭玄註士虞禮云中猶間也猶喪服小記中一而祔漢書間不一歲者自喪至禫凡二十七月故歷代多從鄭註杜佑於通典亦從之而宋制亦定以二十七月狀與古禮中制不合故朱子又謂禮宜從厚狀未為當蓋家禮因溫公書儀一從時王律勅不敢違爾其以為未為當

之義則亦昭然可見狀奈禮時為大非大害義理者
不可以自用而有違故二十七月遂為不易之制矣
但禫者大祥以後吉祭以前過接關梁澹澹平安之
義也不過為喪餘之祭而或過時有不禫者焉故禫
後即同平人如復寢從政等事無復拘忌亦已成俗
而朱子遂因之為禮不欲更過於中制今鄭公既二
十七月畢喪矣而又欲待逾月吉祭狀後乃始從仕
狀則禫月適當四時仲月應行吉祭之限者固是二
十七月而畢喪矣若當四孟則下距四仲為一月是
二十八月而畢喪矣若當四季則下距四仲為二月

是二十九月而畢喪矣其視中制二十五月者豈不
延之又延一再踰越而反成非禮之禮乎栗牛之意
大約如此雖其末端有缺而大義所在無可疑者由
是推之林象德之以本生家禫月內發行以次月八
京登科者尚亦不為無據而胤錫之今春樂簿 陵
令之 除也以其在禫月內不行或反歸於太過耶
狀近世大臣名官喪畢雖鈐曹及其月內為之付職
而得之者必以次月出仕已成鐵定之式意者沙溪
備要移家禮大祥章始飲酒食肉復寢一條歸諸禫
祭章如丘儀以來出仕一節亦因在吉祭以後今不

可獨異狀退溪亦守朱子所是王肅之說而謂以非
誤則粟牛之見無乃得朱子本旨而為不易之中制
歟下距四仲姑以解二十八九月之說耳其實當以
踰月吉祭者為正則無二十八九月矣况三十月
手。後考閏老峯鼎重李竹西敏迪崔相錫鼎並以
禫月出任自南判書二星獨不仕以後則一世至今
云遵行

又題

又云用牲若依禮用羊楮則當於禫用一牲又於禘
別具一牲若用家鹿則只是從俗雖分肩支先藏亦
無妨今按家鹿豈鹿而家畜者乎或言東俗方言呼
狗為家鹿故凡字旁伏犬作者呼曰狗鹿又呼狗

皮為狗鹿皮曲禮凡祭宗廟之禮牛曰一元大武豕
曰剛鬣豚曰脂肥羊曰柔毛鷄曰翰音犬曰羹獻蓋
犬肥則可為羹以獻凡煮肉皆謂之羹古煮用犬以
祭近世不狀耳

頤齋遺藁卷之二十三

頤齋遺藁卷之二十四

雜著

題粟谷外集請辛敬輿改正嘉善鄭緝罷職啓
後

行副司直辛敬輿人物麤鄙不容於物議久
矣齒在堂上已為猥濫今者以觀射優等特
命賞加物情至為駭恠嘉善重加乃國家
優待宰相之器也若授諸如此之人則非徒
爵賞太濫名器又從而重所係非輕請還
收 成命司贍寺主簿鄭緝家在長城素稱

豪強主倖之不叶於已者則自端誣陷必欲
中傷乃已其為用心極為無狀不可齒於

朝列請罷職

嘉善一徹階耳先賢猶愛惜如此至請改正今世寧
詎聞有此議耶鄭主簿即南中名儒霞谷公大人也
無論事實有無既為栗翁罷逐而霞谷之於栗翁不
惟不以為怨乃從而尊慕今以其家傳癸未八月與
牛溪書所云栗谷遭北胡梗化為國事竭忠見忌讒
邪者觀之則亦可見也豈以父罪雖實而父命毋怨
於大賢公議故耶是必有下之者矣

永祐遷園總服私議 巳酉

或曰今此 永祐園遷奉自 慈殿 慈宮 大殿
中殿以至百官并令服總於禮狀乎曰遷葬之禮
應服三年者乃為之總故臣為君子為父妻妾為夫
一也故今 慈宮正當服總其或以子而為人後者
不得為本生父三年故於此不得總惟我 聖上既
以 英宗大王治命承 真宗大統崇 真宗大號
矣情雖無窮禮則有降安可為 永祐遷園而總也
或曰狀則當奈何曰五服窮乎總無可復降而惟有
弔服加麻一節為師之初喪為祖之遷葬者正在總

外此亦可為本生父遷葬可行之制耳或曰此有明文乎曰謂有明文則未也而為師之初喪為祖之遷葬則古禮今儀在儒門通行則甚明推此行之於聖上今日之事則抑或可也禮有亾於禮而盛德可以義起者其此類之謂歟 聖上既當如此則中殿亦當如之或曰朕則月日當奈何曰既不當總則亦不當三月惟當以開園及下 亥室兩日用弔服加麻望哭而已或曰 慈殿亦奈何曰只當於此兩日素服而已或曰百官以下當奈何曰亦當兩日白衣帶從 上而已或曰如是者不或薄乎曰不如

是則 先王之治命 眞宗之大統乖矣其於不貳斬之義何哉夫薄之於小所以厚之於大也於小於大一毫不容紊紊則駸駸乎兩禩之歸矣世之欲堯舜吾君者其必有以裁之姑書此以遲之

僉正先祖神主埋安儀節

甲申

嗚呼我六代祖考朝奉大夫濟用監僉正府君隆慶己巳十月二十一日生萬曆己酉十一月二十八日壽四十一而卒妣令人麟蹄李氏隆慶丁卯正月二十七日生崇禎庚辰十二月初一日壽七十四而卒我五代祖考高祖考曾祖考醉隱府君及祖考四代

以世嫡實奉祀祖考以 明陵辛卯卒于泰仁寓所
我父親時才八歲祖妣媵狀持門戶宗事無有憾焉
叔祖龜巖府君禮當遞遷奉祀貧病未暇而卒會父
親長成祖妣安之且以婦人既傳重不宐因奉當遷
之祀而祖考再從弟雖有一人亦窮窶無力盍姑終
吾世蓋寡居二十有六年而誠虔如一日丁巳祖妣
卒父親體遺志至戊午練後始許遷奉于報恩里卽
祖考再從弟載玄氏宅也自是又數十年復許族庶
叔載天旁題遙受奉祀之名凡若是者故諸禮或得
或否不可率以一槩而狀亦足以徵厚矣癸未載天

又沒則遞遷之禮於是始竭父親始與三從弟及諸
子姪商議謀行埋安於墓所先造磁盆覆仰各一仰
者在下其大足以容合檀神主覆者在土準蓋仰者
其仰者外圓四周命小子胤錫削木寫之若誌石狀
先寫有明朝鮮國五字次寫官銜九字次寫貫鄉姓
諱表德十字次寫生卒年號于支月日享年二十七
字每行六字第九行則三字另寫妣位誥牒貫鄉姓
氏及生卒年號于支月日享年三十一字每行亦六
字第六行則一字另寫公捐館後一百五十五年癸
未冬奉合檀神主埋安于合葬墓側二十五字每行

亦六字第五行則一字又復低一字另書五代宗孫
嚶命長子進士胤錫敬書十四字每行亦五字第三
行則四字字樣如刻燔熟再度擇日並有故不果戚
丈安正言致宅卽我五代祖考外玄孫也語父親云
須待春暖似穩於神道父親從之今年甲申三月初
五日丙辰因寒食上塚于大井洞將行未遑之儀先
期通報門中初四日胤錫承命步往大川袒免兄鎮
綱家宿翌曉乃詣報恩里家廟府君神主遷奉所袒
免叔埏氏先設茶禮胤錫代父親告辭訖奉安于香
亭子以王輪山直二人肩行陪後者胤錫及報恩則

各自爲貫而散見于金富軾三國史者蓋無所總紀
自金敬叔周官六翼尹淮地理志及慶尙全羅二道
觀風案始稍合而一之而徐居正之撰輿地勝覽則
因有增修就八道列邑各列姓氏區之以日本府曰
本牧曰本郡曰本縣曰屬縣廢縣古縣曰鄉曰部曰
部曲曰處俗云庫亦云申曰所曰莊曰邨亦曰直邨亦曰外邨曰驛曰
吏以見土姓之爲主註之以曰來亦曰自他邑而曰屬
來而承曰續追屬來者已上屬續並曰某貫亦曰自他
屬者貫者曰賜籍亦曰賜來自中國或日本回曰唐自唐
貫者考者曰賜籍而本國爲之賜貫本邑者曰唐自唐
凡中國人通稱曰元元自元來者已上唐曰投化宋元
漢人唐人故也元並無賜籍者曰唐自唐
漢人唐人故也

女真蒙古及日本來者古之歸以見寓姓之為客今

明歸化歸義歸正今之向化者舉黃氏言之京畿道則利川府來註振威縣之永新廢

縣註來江華府也忠清道則沃川郡公州牧今按一

邨及撲山所懷德縣連山縣之廣炤部曲註驛也慶尚道

泰安郡邨註德山縣之德豐古縣青陽縣邨註也慶尚道

則蔚山府邨註寧海府醴泉郡邨註及其多仁屬縣及其

高林部曲續註比安縣之新平部曲續註尚州牧及其青

里廢縣金山郡之禦侮縣來註聞慶縣之虎溪廢縣及

其朔川部曲來註泗川縣安陰縣之感陰廢縣昌原府

也全羅道則全州府之紆州廢縣益山郡錦山郡之

富利廢縣及其大谷所礪山府扶安縣之保安廢縣

羅州牧之榮山廢縣靈光郡之臨淄廢縣南平郡康

津縣之道康古縣海南縣之黃原廢縣一云南原府

及其居寧廢縣淳昌郡之赤城廢縣任實縣之九阜

廢縣茂朱府之茂豐古縣玉果縣及其金山部曲長

水縣續註順天府續註及其別良部曲永禮縣即檢谷部曲沿也黃

海道則黃州牧鳳山郡續註牛峯縣今八延安府續註甕

津縣之萬珍莊也江原道則平海郡橫城縣金城縣

註平也咸鏡道則咸興府來註德源郡之鎮湏浦註平

鍾城府來註富寧府來註也平安道則江西縣註居肅川

府註黃州鐵山府註黃州昌城府註公州秦川縣註黃州成川

府註屬三登縣也註內除註中來屬續三類又除疊

而補漏如平海之移居他邑專計其為土姓者其得

四十六貫則信乎其多矣但勝覽以後年代既遠離

合盛衰存亡亦隨而相變其各得俱完未可保也

仁祖朝趙滄江涑遂創氏族源流其從子仲耘繼而

成之以為丁時述一云任慶昌譜學之倡而源流所

載黃氏只有平海箕城介長水長沃川管尙州商山

昌原義昌會懷德枋淺紆州全江華池共八貫此外

又有別貫靈巖三陟安岳密陽鐵原高麗昌驪州原郡敬

見於諸譜者共六貫是則并源流得傳者只有十四

貫不及勝覽者多至三十二貫何其多少之懸也狀

世傳東國黃氏皆出於我平海一貫請試詳之我平

海黃氏本出中國少昊氏之裔娶顓頊之裔孫女生

大業即臯陶亦曰是生大費即柏翳亦曰佐舜得贏

姓其後封黃國子爵見春秋公羊傳其地北自汝水

南踰江西距漢今清人河南省之汝寧府及湖廣省

之武昌府等處是也國亡于楚因國而氏入漢以江

夏汝南二郡為望當世祖光武皇帝建武四年戊子

新羅儒尼師今五年高句麗大有諱洛懷德譜洛

武神王十一年百濟多婁王元年一作洛唐

卷之二十四 雜著 八

侍中源流云元稱學士學士二字始見周禮春官之朝閣老東來大胥小胥而職名兩漢亦無之蓋儒士之類如與副使丘大林奉使交趾古南越也遇風漂至新羅東北高句麗東南二界上各自稱將軍黃將軍築土海堯以補缺為嶠山嶠山嶠同亦曰嶠峯出船中松子遍山栽植因曰越松峯亦曰越松亭俗呼月松既自卜其南崖腰下而居之丘將軍則分居北崖下丘尾津上俗呼仇彌浦云今江原道嶺東九邑南盡于平海郡與慶尚道寧海府地相比郡東七里海上有越松浦水軍萬戶營其北則嶠山也蒼松萬株白沙如雪禽鳥亦不棲新羅永即述即南石

安詳四仙之徒所遊為關東八景之一有白沙作窩瓦礫閱千年宛在是黃將軍遺墟故遠近遺裔即此立碑為壇而歲十月中丁齊會望祭郡志及柳西厓成龍紀事黃海月汝一譜序并載焉或云自郡東北至鬱陵島有三峯地周可二百五十里古芋山于山羽陵國益亦休忍存人國也其西厓有黃土朱土二窟各呼仇味諺稱黃將軍初居黃土窟及其出陸而居嶠山以其初居地名移寓於此曰鬱陵其後音轉而為越松此前後海峽月禁入郡本高句麗介乙於縣溫泉故邑有亦曰波朝縣朝本從曰下亦曰波豐縣疑以邑有新羅景德王改海曲縣亦曰海西縣屬溟州之蔚珍郡自波朝以下疑以邑有白巖山古城故

類齊蒙 卷之二十四 雜著 九

縣古跡狀今以元聖王封太宗七世孫金周元為溟
方言考正如此
州郡王倉溟州陵府江翼嶺今襄陽府三陟斤乙於蔚珍等
五邑高麗初改平海縣顯宗時屬禮州文宗時為郡
後降縣明宗置監務忠烈王以縣人僉議評理黃瑞
從八元有翊戴功東歸陞知郡事其曰箕城則成宗
所定別號也亦曰勞乃縣亦曰野音縣二名出禮州郡志
者今寧海府本高句麗于戶郡新羅景德王改有刻
高麗初改禮州顯宗置防禦使高宗陞德原小都護
府後陞禮州牧忠宣改寧海府亦曰丹陽亦曰寧州
亦曰鄆州寧州見諸譜鄆州見廣州李道村集妻系益于戶有刻音轉而刻又轉為禮寧其又

轉而為鄆則疑以本邑及所屬平海有我黃氏為土
姓大族如中國江夏有黃氏而江夏亦為鄆州故也
蓋平海既南距寧海界二十四里西南距府之首比
部曲五十一里又北距蔚珍界三十八里則其古今
分并之相仍固其勢也而其屬溟州既二百六十八
年入 本朝雖復移屬江原道之江陵而其屬寧海
亦已四百二年故我黃氏因依史志郡望某州某屬
縣之例嘗稱禮州平海縣人故二邑雖分而土姓之
黃則非二而一也故知今世或貫寧海者亦實平海
如南原府長水縣之黃或封以南原洪州牧新平縣
之宋亦混以洪州者是其類爾黃將軍有三子寔為

東國諸黃之初祖而仲乙古移昌原今有二派。黃州譜乙古作乙考李丙古移長水惟伯諱甲古因貫平海世為郡大姓至高麗益昌而又各分中祖不相統一其散居于楊州長湍江華安東榮川豐基清安金溝興德春川江陵洪川襄陽蔚珍杆城安邊德源永興鐘城豐川等處者不可勝紀而其居平海者亦甚盛至有諺傳所謂一邑八面六面皆黃每有鄉會便成黃氏宗會之說又有兩大驛邨各數百戶吏卒亦黃初因東俗婚不相避近世宗中士大夫禁之知避即其不億可知自非初祖積德餘慶之遠則狀乎哉其我一派中

祖以下可譜則曰諱淑卿仕恭愍禍昌間以至正丙申為監察司大夫今司憲府大司憲時有王姪釋器之獄是忠惠王孽子也忠定王以忠惠庶子立而元廢之立恭愍則忠惠母弟也亟勒釋器為僧及恭愍還自元即位聞林仲甫欲奉釋器下巡軍治之辭連孫守卿洪峻孫湧鄭世功金成洪桂及公等十餘人多死者公等數人得免釋器放于外後釋器匿民家被殺洪武丙辰以開城府尹今留守同品報北元丞相納哈出時元順帝北奔死其太子稱帝改元宣光丁巳以前開城尹賀北元節日戊午以前密直司副使今中樞府同知事出東北面都巡問使

國朝

兼和寧府尹

東北面亦曰東界今咸鏡北道公嶺鎮以南江原道嶺東三陟府以北也都巡

問使今各道觀察使所兼兵馬水軍巡察使也咸鏡道今咸鏡道承與大都護府本朝初亦嘗以咸鏡道

觀察使兼承興府使後移兼咸興府尹公與牧隱李文靖公樞相善牧

隱有已未秋奉謝東界黃令公送年魚魚即鮠詩一絕

曰一雙海中魚東界相公書老牧偏驚倒隨風落草

廬事並見牧隱集及鄭麟趾高麗史徐居正東國通

鑑與夫本朝世宗朝所輯龍飛御天歌註官止

純誠亮節輔國功臣重大匡平海君蓋三品以上勲

號封君則高麗所沿唐宋元官制也惟其所謂參贊

議政府事則我太宗所授漢陽趙氏為外孫者舊

譜所載而本家四百年譜碣所不用蓋乃遺命故耳

公生諱吉源本朝通訓大夫繕工監正配漢陽趙

氏高麗忠臣三司左使襄烈公仁壁女我太祖親

甥也是生諱坤成均進士通政大夫檢校工曹參議

配驪興閔氏寺丞淑亮女嘗歷司憲府監察以江原

道巡問使巡到春川府南三十里原昌驛覘望府西

北二十里西上面華岳山東南昭陽鰲山北亦曰毋

津二江之泃山氣甚佳而曰彼必有吉地可葬迺往

視之則平山申氏始祖壯節公崇諱墓也乃歎曰是

為雄穴必更有雌穴轉卜其東北一區月窟里沙川

類齊集

卷之二十四

雜著

十二

洞以葬且居而或居漢京三子二女婿並用文學科
宦著其季子諱允利通訓大夫行鎮海縣監配全義
李氏 陵直于藩女上居月窟東北香川里東南直
府北鳳儀山相對築前川灌溉今稱鎮海狀方言川防當作
次子諱任通訓大夫行江西縣令配尚州金氏牧
使 贈左贊成士元女東園左議政貴榮姑也仍兩
世坐成梅竹三問趙靜庵光祖姻婭官不達次子諱
守平蔭階從仕郎天資敦厚事親以誠睦族以和鄉
黨親戚無一怨惡配全州李氏宗室巨山令拱女間
歸勤木家母氏于全羅道興德縣龜壽洞里有所得

三墅曰桃李所亦曰道里金亦曰大井亦曰厚曰休
安里古報恩寺遺墟在王輪山北曰魚龍浦直興德縣治東南十里
南二公自 明宗乙巳以後不樂京輦亦嘗南遊平
于墅始葬桃李所東崗子諱紐少奔考喪蔭屬忠順
衛階効力副尉壽秩通政大夫始與湖南人婚娶其
居或京或鄉配康津金氏訓導若愚女也葬王輪山
中崗有二子長應中學術明秀孝友純至人皆歎服
不幸二十三而夭無子有手筆譜牒祭儀妻崔氏哭
夫晝夜露處不食七日絕 宣祖辛卯旋閭次諱處
中早補內資寺主簿至朝奉大夫濟用監僉正養親

誠心不懈親病晝夜不離親歿哀毀備至自通政公始落南才無依庇伯氏又早卒公用是傷悼常欲北歸丙申持考妣服度倭寇必再擗舉家三十餘口先避于春川南內面溪谷里地品故婢延德及其兄延孫家春川故鄉尚有先業臧獲將定居已亥又取倉南歸龜壽洞始編籍于興德縣配麟蹄李氏宣教郎仁榮女公初葬通政公墓東南麓李氏別葬桃李所西岡 肅宗戊子公卒之九十九年也諸孫欲并遷兩墓則李氏壙中有暖氣透出襲人術者以為吉乃只遷公墓以成同穴有二子長諱以厚親命無違勤

學樂善喪葬祭祀必盡其誠早擅詩名屢冠諸試卒無成出母氏所與弟克厚田地奴婢依所欲與之光海政亂自遯于王輪楸北保安里邀朴主簿尚義卜居甲子適亂丁卯丙子胡亂竝南中士友募義兵義粟略見湖南募義錄中配全州李氏副司果克授女有六子繼配長興周氏有二子葬桃李所從任公墓下是胤錫五代祖考妣而我高祖以下世為宗嗣第一高祖無後第三高祖有所後孫第四高祖有後第五第六未娶而天第七高祖有庶裔第八亦未娶而天周氏寡居四十九年嚴整有法度宗族肅然常呼

我祖考小字而曰吾雖有已出而支子也吾曾孫雖非已出而宗統也安得不愛重我祖妣 肅宗已已以新婦禮謁又加別給曰此吾家奉祀曾孫婦也一門相傳為美談我高祖以下文學行誼之懿別有紀茲不具只舉平海君先祖以下九世事略以附于初祖之後摠名曰越松先跡考嗚呼靈芝之茁豈其無根澧泉之湧豈其無源有能趾美庶幾肖之詩曰夙興夜寐毋忝爾所生凡我諸宗諸孫各勉焉無以遠而可忘無以近而可昵則幸矣

澧衣會通新制

澧衣之說禮經本篇及王藻篇本自明白惟其文簡故為東漢以下註疏家所亂至朱子述家禮採溫公書儀及王普制度則幸矣而其書早佚雖晚年定論猶有不及改修者自是言人人殊如趙汝梅吳澄牟仲襄以上宋人馮公亮朱伯賢號白雲敖繼公吳興人楊梧清人以至吾東李退溪奇高峯金而精鄭寒崗韓久庵與夫柳馨遠祖久庵者不可勝紀其專守家禮則丘瓊山以下宋龜峯金沙溪鄭守夢宋九庵俞市南權遂庵諸賢是已乃胤錫愚僭所拜叔者近日李最之所定也既本經文旁參眾說達識公評之士將

亦有以就質頃已得而錄之顧其為說容或未盡茲
輒一條釐以為裁縫之制庶幾行之一家爾其所
用布帛繒全幅姑準古尺廣二尺二寸其所裁則止
論葉條大小若長短并留各邊縫地五分不入實計
凡縫限在裁限內故裁限為本數此外則所削殺不用也其綱領條理逐一具左
其衣制為物者四有身有袂其六幅其別有襟有袷
衣之一曰身左右共二幅而中屈下垂以為前後
各二葉○容八全幅長八尺六寸截半為左右各
一幅長四尺三寸中屈為前後各下垂二尺一寸
五分共四葉各二葉後連前開各邊縫八則長足

以過脇廣足以過肩而其一身之前後左右共通
方四尺二寸

身前二葉者左右共縫廣四尺二寸本廣四尺四寸當
中開之

其左則縫長二尺一寸本長二尺五分縫廣二尺

一寸本廣二尺二寸

上邊與左葉之後上邊因連不破

下邊起右縫廣一尺二寸本廣一尺三寸綴裏前

左外面之上邊○縫廣并外襟之下邊縫

廣一尺及左袷右端之縫廣二寸則二尺

四寸而綴裳四葉

左邊起上縫長一尺九寸本長二尺綴左袂之

前右邊所謂左格也自此向斜縫以至

下邊之起右縫廣一尺二寸本廣三寸盡處

而止其斜縫長九寸二分起上縫長一尺九寸之餘二寸

為股自乘起右縫廣一尺二寸之餘九寸為句自乘并之開平方得弦為斜縫長

右邊綴外襟之左邊其下邊相齊所謂右

續衽之左界也

其右則縫長二尺一寸本長二尺五分縫廣二尺

一寸本廣二寸

上邊與右葉之後上邊因連不破

下邊起左縫廣一尺二寸本廣三寸綴裳前

右內面之上邊○縫廣并外襟之下邊縫

廣一尺及右袷左端之縫廣二寸則二尺

四寸而綴裳四葉

右邊起上縫長一尺九寸本長二尺綴右袂之

前左邊所謂右格也自此向左斜縫以至

下邊之起左縫廣一尺二寸本廣三寸盡處

而止其斜縫長九寸二分股句得

左邊綴內襟之右邊其下邊相齊所謂左

續衽之右界也

身後二葉者左右共縫廣四尺二寸本廣四尺四寸當

中合之

其左則縫長二尺一寸本長二尺五分縫廣二尺

一寸本擴二尺

上邊與左葉之前上邊因連不破

下邊起右縫廣一尺二寸本廣一尺綴裳後

左之上邊○縫廣一尺二寸而綴裳二葉

左邊起上縫長一尺九寸本長二尺綴左袂之

後右邊即亦左袂也自此向右斜縫以至

下邊之起右縫廣一尺二寸本廣一尺三寸盡處

而止其斜縫長九寸二分股句得

右邊綴右葉之左邊其下邊相齊而其直

縫因當裳後左右之中縫所謂負繩之界

也

其右則縫長二尺一寸本長二尺五分縫廣二尺

一寸本擴二尺

上邊與右葉之前上邊因連不破

下邊起左縫廣一尺二寸本廣一尺三寸綴裳後

右之上邊○縫廣一尺二寸而綴裳二葉

右邊起上縫長一尺九寸本長二尺縫右袂之
後左邊即亦右格也自此向左斜縫以至
下邊之起左縫廣一尺二寸本廣一尺三寸盡處
而止其斜縫長九寸二分服同前
左邊綴左葉之右邊其下邊相齊而其直
縫因當裳後左右之中縫即亦負繩之界
也

衣之二曰袂左右共四幅而中屈下垂以為前後
各四葉○容八全幅長一十七尺二寸再截半為
左右各二幅對長四尺三寸中屈為前後各對垂

二尺一寸五分共八葉各四葉前後並連各邊縫
入則長足以齊身廣足以回肘而其二袂之前後
左右各通方四尺二寸用通方為徑依密率得全
周折半即為袂下半規圓

縫六尺五寸
九分七釐

袂前四葉者左右共縫廣八尺四寸本廣八尺

其左初則縫長二尺一寸本長二尺五分縫廣二
尺一寸本廣二尺

上邊與左初葉之後上邊因連不破

下邊圓縫與左初葉之後下邊合

左邊綴左終葉之前右邊當前左半規之

半而長與身齊

右邊起上縫長一尺九寸此無綴身左葉

之前左邊即亦左裕也自此盡處何左橫

縫一尺二寸乃始圓縫而與左初葉之後

下邊合以至左半規之半而與左終葉左

半規之半而交所謂應規也

其左終則縫長二尺一寸本長二尺五分縫廣二

尺一寸本廣二尺二寸

上邊與左終葉之後上邊因連不破

下邊圓縫與左終葉之後下邊合

右邊綴左初葉之前左邊當前左半規之半而長與身齊

左邊起上縫長一尺二寸此無以為口徑

而周二尺四寸所謂左祛也自此何右圓

縫而與左終葉之後下邊合以至左半規

之半而與左初葉左半規之半而交即亦

應規也

其右初則縫長二尺一寸本長二尺五分縫廣二

尺一寸本廣二尺二寸

上邊與右初葉之後上邊因連不破

下邊圓縫與右初葉之後下邊合

右邊綴右終葉之前左邊當前右半規之半而長與身齊

左邊起上縫長一尺九寸此無綴身右葉

之前右邊即亦右格也自此盡處向右橫縫一尺二寸乃始圓縫而與右初葉之後

下邊合以至右半規之半而與右終葉右半規之半而交即亦應規也

其右終則縫長二尺一寸本長二尺縫廣二

尺一寸本廣二尺

上邊與右終葉之後上邊因連不破

下邊圓縫與右終葉之後下邊合

左邊綴右初葉之前右邊當前右半規之半而長與身齊

右邊起上縫長一尺二寸此無以為口徑

而周二尺四寸所謂右袷也自此向左圓縫而與右終葉之後下邊合以至右半規

之半而與右初葉右半規之半而交即亦應規也

袷後四葉者左右其縫廣八尺四寸本廣八尺

其左初則縫長二尺一寸本長五分縫廣二尺一寸本廣二寸

上邊與左初葉之前上邊因連不破

下邊圓縫與左初葉之前下邊合

左邊綴左終葉之後右邊當後左半規之

半面長與身齊

右邊起上縫長一尺九寸此無縫身左葉

之後左邊即亦左裕也自此盡處向左橫

縫一尺二寸乃始圓縫而與左初葉之前

下邊合以至左半規之半而與左終葉左

半規之半而交即亦應規也

其左終則縫長二尺一寸本長五分縫廣二

尺一寸本廣二寸

上邊與左終葉之前上邊因連不破

下邊圓縫與左終葉之前下邊合

右邊綴左初葉之後左邊當後左半規之

半面長與身齊

左邊起上縫長一尺二寸此無縫身左葉

而周二尺四寸即亦左裕也自此向右圓

縫而與左終葉之前下邊合以至左半規

之半而與左初葉左半規之半而交即亦應規也

其右初則縫長二尺一寸本長五分狀縫廣二尺一寸本廣二寸

上邊與右初葉之前上邊因連不破

下邊圓縫與右初葉之前下邊合

右邊綴右終葉之後左邊當後右半規之半而長與身齊

左邊起上縫長一尺九寸此無綴身右葉之後右邊即亦右格也自此盡處向右橫

縫一尺二寸乃始圓縫而與右初葉之前

下邊合以至右半規之半而與右終葉右半規之半而交即亦應規也

其右終則縫長二尺一寸本長二寸五分狀縫廣二尺一寸本廣二寸

上邊與右終葉之前上邊因連不破

下邊圓縫與右終葉之前下邊合

左邊綴右初葉之後右邊當後右半規之半而長與身齊

右邊起上縫長一尺二寸此無以為口徑

而周二尺四寸即亦右祛也自此何左圓
縫而與右終葉之前下邊合以至右半規
之半而與右初葉右半規之半而交即亦
應規也

衣之三日襟左右共二葉而上並下疊以為內外
各一葉○別容八一段一尺一寸四分二釐為本
自角對角斜破為兩半方為在斜方其三邊縫入
則長足以及領廣足以續身而其在身前以左而
為外以右而為內者各一葉方各一尺
外襟半方一葉者

其左邊縫長一尺本長一尺四分二釐綴身左葉之
前右邊其下邊相齊所謂外續衽也即繼掩
尺之右半也

下邊縫廣一尺本廣一尺四分二釐綴裳前左外
面之上邊

右斜邊縫長一尺四寸一分四釐本長一尺四分二釐
為句得弦為本斜長一尺六寸一分五釐
而縫長為股縫廣為句得弦為縫斜長則
是縫句兩端縫者在於本句股形內而內句
之左右兩端縫地及內股之上下兩端縫
地各雷七分一釐內弦之上下兩端縫地
及內弦以外縫地各雷五分必用句股密
測者欲其裁法縫法內外無差也縫地本
制俱限五分而內句股獨不同者數度理

勢之自左裕右端至此而綴而其下邊相齊則身左葉縫廣之一尺二寸與外襟縫廣之一尺左裕右端縫廣之二寸通成二尺四寸而綴裳四葉無餘欠矣因就外襟斜邊上下各綴一團紐與左衽上及身右葉外面所綴二空羈隔緣相對以鉤之所謂外鉤邊也

內襟半方一葉者

其右邊縫長一尺本長一尺四分二釐綴身右葉之前左邊其下邊相齊所謂內續衽也即繼掩

尺之左半也

下邊縫廣一尺本廣一尺四分二釐綴裳前右內

面之上邊

左斜邊縫長一尺四寸一分四釐縫鉤服

內外各邊縫地測定亦同右裕左端至此而綴而其下

邊相齊則身右葉縫廣之一尺二寸與內

襟縫廣之一尺右裕左端縫廣之二寸通

成二尺四寸而綴裳四葉無餘欠矣因就

內襟斜邊之下亦綴一團紐與身左葉內

面所綴一空羈隔緣相對以鉤之所謂內

鉤邊也

衣之四日裕別容八一段表裏各縫廣二寸本通
寸縫長七尺八寸四分八釐本帳七尺六釐先裁方
領自衣身肩中屈下垂前後因連處左右各向
前五分爲界橫破五寸自此盡處又左右各向前
直破一尺自此盡處又左右各橫破五寸則其中
所破而割去者爲正方一尺因自其外不破處四
角各斜破七分一釐弱而四面及屈入裏以爲所
留縫地各五分狀後方領空界始成正方一尺一
寸而自項繞頸以至身前頤下左右之中半則正

當內外續衽兩斜邊相並之上端矣乃以裕綴于
領之四周及衽之兩斜而夾縫之或幅窮從約則

長四尺二分四釐者直破作二條逐條兩頭各

左裕一端者縫長三尺九寸二分四釐并外襟

邊一吋七分及裳前右終葉上其末交爲右端

在外

其後之左長五寸五分交項後中之右初而

起項後之左初以綴項後之左交項左之初

而曲其角或斜

其左長一尺一寸交項後之左末而起項左

之初以綴頂左交項左之末而曲其角斜尖

寸縮

其前之左長五寸五分交項左之末而起項

前之左初以綴項前之左交外襟右角之上

而斜其角斜尖縮縫

右斜長一尺四寸一分四釐交項前之左末

而起右斜之初以綴右斜交裳前右終葉上

邊而盡

右裕一端者縫長三尺九寸二分四釐并內襟

邊一寸七分及裳前左終葉上其末交為左端

在內

其後之右長五寸五分交項後中之左初而

起項後之右初以綴項後之右交項右之初

而曲其角或斜

其右長一尺一寸交項後之右末而起項右

之初以綴項右交項右之末而曲其角斜尖

寸縮

其前之右長五寸五分交項右之末而起項

前之右初以縫項前之右交內襟左角之上

而斜其角斜尖縮縫

左斜長一尺四寸一分四釐交頂前之右末
而起左斜之初以綴左斜交裳前左終葉上
邊而盡

其裳制共六幅○容八無定度逐幅各直作三界
而自一界望二界斜破之則一順一倒而其得一
界者為狹頭平尖而綴上縫廣六寸分廣七寸三
其得二界者為寬頭平潤而歸下縫廣一尺二寸
本廣二尺四寸左右各六小葉相綴而左右之中
縫三分寸之二正當背後脊上與衣身後左右之中縫上下相
屬而直所謂負繩也其長俱及踝後左右之初葉

三葉四與五葉各以直邊對綴或以為裳長而或梯
形其斜邊各在外比類對綴惟前左為之終葉直邊
外

裳後左初葉 其右邊綴後右初葉之左邊上

綴身後左葉之右邊即負繩之界也

左二葉 其右邊綴後左初葉之左邊上

綴身後左葉之左下邊

前左三葉 其左邊綴後左二葉之右邊上

綴身前三葉之左下邊即後左二之統而

前者

左四葉 其左邊綴前左三葉之右邊上

綴身前三葉之右下邊

左五葉 其左邊綴前左四葉之右邊上

綴身前三葉之左下邊

左終葉 其左邊綴前左五葉之右邊上

綴身前三葉之右及左袷右端之下

後右初葉 其左邊綴後左初葉之右邊上

綴身後右葉之左下邊即負繩之界也

右二葉 其左邊綴後右初葉之右邊上

綴身後右葉之右下邊

前右三葉 其右邊綴後右二葉之左邊上

綴身前三葉之右下邊即後右二之繞而

前者

右四葉 其右邊綴前右三葉之左邊上

綴身前三葉之左下邊

右五葉 其左邊綴前右四葉之左邊上

綴身前三葉之右下邊

右終葉 其左邊綴前右五葉之左邊上

綴身前三葉之左及右袷左端之下

其緣制在袷在袷各裁黑縐一條夾縫飾之

表裏各縫廣一寸五分本通廣四寸除袷前左右無定

度者外其袂袷及裳下其容八長二十七尺四寸

四分八釐或幅寬從約則用一段廣一尺六寸長

右口取一條截五尺折半裕取全條是已上兩頭

各留縫地五分裳下取二條自負繩分左右而兩

袂左口緣縫長二尺四寸本長二尺五寸

右口緣縫長二尺四寸本長二尺五寸

袷周緣縫長七尺八寸四分八釐本長七尺九寸四分八釐

裳前左外緣縫長齊裳左終葉之右直邊容八

無定度

右內緣縫長齊裳右終葉之右直邊容八

無定度

下齊橫緣縫長一丈四尺四寸本長一丈四尺五寸

或從約則縫半長七尺二寸本半長七尺三寸

或曰子既會通諸儒并取李說而於李說亦有因革

取捨者不獨於諸儒為狀蓋如布幅古用其全二尺

二寸又芻雷縫地各一寸而子則芻雷各五分因用

二尺一寸何也答曰欲用其全而又雷縫地則無可

留者聯以別幅亦不便况衣取潔遂之義則雷一寸

太過只雷五分何妨之有此所以自歸於因用二尺

一寸而木三火七相因之數適相會焉敦仁服禮此

其象乎以故施之上下衣裳無非此度而衣與袂又各前後左右以取正方云爾

或曰兩腋之格李本豎裁三寸自謂有得乎高下之文則亦已足矣子則豎裁二寸使其當肩上下縫長一尺九寸視袂口加七寸而自此盡處橫縫一尺二寸乃始圓縫以取半規何也曰裁止三寸則運用不寬須至二寸可容得中况既云袂圓應規須全袂縫合則全規自為半規今不半規則無全規矣烏在其應規乎右註不論裕下亦有未詳乎此耳或曰裕經無其長李亦本云可五尺六七寸子必定以七尺二

寸二分八釐何也曰是為方領故也或曰何以知其必成四界之正方設如正方又何以必知其方一尺一寸也曰既云曲袷如矩以應方又云抱方故古人禮服所制方心曲領亦云鉤領而施於頤下者實由是補此所以不可不為正方也况內外襟既各以一尺而自其半方一葉相並以豎於身前者推以上之則於身前長二尺一寸之度正餘一尺一寸今就兩葉上角左右必橫裁各五寸五分望腰縫平行破之狀後方各一尺一寸而領之空長襟之實長始與身前本長恰齊矣狀而身後則不裁而取身前容項者

為其服之之便也於是容項正在領中而領既正方
因并其下內外之兩斜則裕之度自為七尺二寸二
分八釐矣

或曰鈎邊李本以往下裳周之摺縫地向裏緝入者
當之子乃以團紐當之何也曰凡衣自斬衰以外無
不緝邊是則通制狀矣于深衣烏獨不狀謂是鈎邊
實大疎謬況古今綴疆之制又自有肩旁棺柱之可
照乎此則久庵之說在所當取故也若曰深衣本無
小系而只用大帶則非矣安有衣邊無鈎而可為深
邃之義乎或曰團紐之必以三何也曰兩襟上角相

對者及內外下角俱不可闕一亦非有尊卑之殺也

團紐壯紐也空疆壯和也疆與鈎古通九庵以團紐為團樞俗又或作團珠蓋古人以藏鈎亦作藏疆耳

或曰規矩之應經文只舉大象耳豈必屑屑於九章

密測者乎曰是則似狀但以背之必以繩直齊之必

以衡平者究之古人精義居可見矣何獨於此略約

言之此余所以於規必取正圓於矩必取正方面句

股之必取斜弦亦其推耳後考性理羣書六君子像有濂溪裏服則交領而表

以直領則其領直方此可證也

或曰衣之身也袂也襟也袷也裳之腰也齊也緣之

于袂襟袷與夫裳之齊也并有容入定度而裳之長

也緣之于裳之長也獨無容入定度何也曰人身之肥瘠長短各自不同不可為定度也或曰狀則奈何曰各須自肩上海至臍心則臍心與左右脅下髀上無骨者相當矣自臍心又量至外踝訖乃量肩上海之前後相距半廣之度以減衣身之長則其長約當臍心矣又以此度減於自肩上海至外踝之通長而以其餘為裳至外踝之長狀後裳之下邊乃始不至於窘短揭起而得與踝相當矣此在各人中指中節為十寸之尺者量度之精密爾

山雷老交中指中節尺圖

右準正統丙寅本國詳定石刻四等尺所校 明太祖丙午冷謙黃鐘樂尺六寸四分三釐七毫

一 周尺一尺零六分二釐二毫○周尺即南宋楊輝田尺

二 營造尺七寸二分○營造尺即明工部營造尺亦名鈔尺八寸

三 造禮器尺七寸八分二釐

四 布帛尺四寸七分七釐五毫○即本國俗用針尺而微有盈縮

山雷濠衣制式

全身豎量用指尺○自頂上至脚跟通長八尺零五分
分鬚長一尺零三分○外○頂周一尺九寸八分徑
六寸三分零三毫
此用密徑定之以較方領一尺得餘三寸六分九釐七毫可相寬容
○自頂上至肩上一尺三寸八分○自肩至上至臍心一尺九寸一分○肩半廣三寸一分○自臍心至外踝四尺四寸六分○自肩至上至外踝六尺三寸七分○其製濠衣也衣身長二尺一寸內減肩半廣得一尺七寸九分○乃就自肩至上至外踝之度內減衣身與肩半廣相減之較餘為裳縫長四尺五寸八分○

用全幅長二十八尺零八分長本截作六幅合本長四尺六寸八分俱作三界斜破其一界為袂頭本廣七寸三分寸之一兩邊留縫地三分寸之從捷法則本廣八寸兩邊留縫地一分寸俱縫廣六寸其二界為寬頭本廣一尺四寸三分寸之二兩邊留縫地一寸三分寸之一從捷法則本廣一尺四寸兩邊留縫地一寸俱縫廣一尺二寸其上下兩頭亦留縫地五分縫長有直斜二邊而直邊則縫長四尺五寸八分斜邊則縫長四尺六寸一分九釐以挾頭縫廣減寬頭縫廣餘六寸為句其旁綴上綴各如上制

已上衣身容入全幅長八尺六寸

二袂容入全幅長一十七尺二寸 身袂共

用全幅二十五尺八寸

襟容入方一尺一寸四分二釐

袷容入廣一尺長四尺二分四釐從約。襟袷共用全

幅長四尺二分四釐

裳容入全幅長二十八尺零八分山雷右布定度

并用長五十七尺九寸四釐當布帛尺二十七尺六寸

四分九釐一毫六絲

緣袂左右口及袷周及裳下齊其容入緇廣

一尺六寸長七尺九寸四分八釐從約

裳左右容入緇廣四寸長九尺三寸六分

山雷定度右袂袷裳下及左右共用全幅長九

尺三寸六分亦可當布帛尺四尺四寸九分三釐四毫

又攷裁裳之制如上文則須二葉直邊對綴乃成梯

形不若逐葉各成梯形之尤好若欲如此必須一全

幅廣一尺七寸三界本法于六寸及一尺二寸各其左右俱加六分六釐有奇或廣

二尺八寸三界捷法于六寸及一尺二寸各其左右俱加五分或廣二尺六寸

新制于六寸及一尺二寸各其左右俱加五分狀後乃可而今世幅廣二尺

二寸者猶且別用長箴織成乃可否則未可得况進

乎此三等者乎依二葉成梯形用之斯亦簡徑之道也本國關西有東海細本名陶海細亦名銅植細者其廣可當布帛尺之一尺自餘關北細布廣可九寸三分白紵廣可七寸七分五釐又聞慶州及倭布之廣并可與關西細相等而或過之○凡蠶婦繅繭必先納鍋中水煎乃引而關西則多摘野繭納盆中清水乘涼繅引故曰海細海正作楹盆也以陶則曰陶以銅則曰銅而東其二音之訛耳

又嘗橫量亦用指尺○兩乳間豎界至左右肩骨節間一尺○六分○肩骨節間至肘骨節間一尺三寸○肘骨節間至掌骨節間一尺二寸五分○掌骨節間至中指末八寸二分○是自兩乳間豎界至中指末共四尺四寸二分為半身橫度之廣

而全身通廣八尺八寸六分矣○其自肩骨節間至掌骨節間二尺五寸五分若併掌指之距則三尺三寸七分○蓋衣身半廣三幅之度六尺三寸內減半臂一尺○六分則餘五尺二寸四分又減肩肘之距一尺三寸則餘三尺九寸四分又減肘指之距二尺七分則其餘一尺八寸七分者及屈可以及肘矣○腰圍四尺六寸三分其帶曰大帶正服之帶也所用之料有四天子諸侯大夫俱以素則熟繒也士以練則繒也家禮所云白繒也居士以錦道藝處士示文也弟子以縞則生絹示質也所飾之制有四天子以朱為裏終此帶而盡

辟之辟通紕緣也諸侯亦狀而不朱裏也大夫惟緣其前兩耳及紳之兩旁而腰圍則不緣也是皆合複而夾縫也士則單用而纓緝兩邊故曰率通粹腰及兩耳俱不辟惟辟其紳之末下也廣之度有一天子諸侯大夫俱四寸紳之長有二士三尺有司二尺五寸益人長八尺而腰下四尺五寸紳得其三之二故士三尺也惟有司優於趨走者就減五寸也是雖尊卑之等不同而用組廣三寸交結為紐而長齊于帶則無貴賤一也但三寸太廣故或疑是三分之誤耳此外又有雜帶以雜色為緣亦曰雜服之帶君則上

以朱下以綠大夫則外以玄內以華華黃色也士則內外俱以緇故謂之緇辟其廣二寸再縹為四寸凡帶率纓之處必皆用針細密不見針功亦無刺繡之文其圍于腰則又皆下毋壓髀上毋壓脅當無骨者此淡衣玉藻之文也朱子則雜采諸說用白縹廣四寸夾縫之其長圍腰而結於前再縹之為兩耳乃垂其餘為紳下與裳齊以黑縹飾其紳兩旁及下表裏各寸半而腰圍則不緣復以五采絲編織為小條廣三分則古組也以之再約大帶相結為耳之交長與紳齊以其再約有申複之義故紳從申兼音及義或

以組為圓形約之則是乃紉也非組也安得曰廣三分乎蓋雜帶之士以緇辟者視大帶之廣四寸有殺故廣二寸而再圍于腰以重之而曰再縹四寸若家禮大帶已言廣四寸則其以本九寸夾縫為四寸明矣以大夫士上下之等參用亦明矣既曰四寸安用再縹故知此再縹非再圍于腰也乃其結為兩耳之地有以再繞者耳故寒水齋所記尤翁語有曰再縹之為兩耳此六字疑本註文之大書者而非本文也是尤翁已以此六字為結於前三字之解家禮自多此例註文可攷也○嘗欲以錦製庶古居士而亦未

易得且因家禮參定如左

帶用白緇一段表裏各縫廣四寸本通廣九寸縫長一十

八尺九寸本通長一十九尺其半長自腰後脊骨分圍左右

至長二尺三寸一分五釐為實腰半圍全圍六尺三寸四分又

加二寸四分為薄衣腰半圍全圍五尺一分又加二寸六

分五釐為厚衣腰半圍全圍五尺六寸四分○薄厚

游移寬又加二尺。五分為結耳之度薄衣則耳隨而長厚衣則

耳隨至此則左右各長四尺八寸七分全長九尺四分又

加結下垂紳之長四尺五寸八分則左右各長九尺

四寸五分全長八尺九寸而紳末各與裳齊其紳兩端之

兩旁及末亦各用黑緇為緣表裏縫廣一寸半本廣四寸

縫長四尺五寸八分本長四尺八寸縫橫長一寸本橫長二寸

其容入長一十九尺一寸二分若幅窮從約則帶用九尺五寸五分直破作二條逐條兩頭各留縫地自

腰後脊上從左右連綴其紳緣用一段廣一尺六寸

長四尺七寸八分直破作四條逐條兩頭各留縫地而各紳兩旁對緣而合于末○若用士

帶之制則白緇一段單而不夾而緝其上下左右各

五分反屈向裏則廣二寸其長同前四寸者容入十

八尺九寸從約則用廣一尺二寸長四尺八寸二分五釐直破作四條自腰後對綴各二條

其紳制則當止緣二末各一寸半益家禮參用大夫

士帶制故雖定廣四寸而緣其紳而已不緣其兩耳

禮記陳註則天子朱裏終辟諸侯只終辟大夫惟緣

兩耳及紳而不緣腰後而士則不惟用練為帶又不

辟而絳其兩邊又不緣腰及兩耳而只緣其紳此其

尊卑之殺明矣狀細考經文大夫辟垂則不緣兩耳

而緣其垂紳可知士下辟則只緣紳之末下而不緣

其兩邊又可知矣今故詳訂如此○其條用五采絲

編織為之偏而不圓圓則糾也非組也條則組也其廣三分此因禮記

組三寸之文而改之耳其長一十尺一寸六分而末有黻絲左

各長四尺五寸八分而結約之度又不過五寸倍為一尺可為小耳分垂以約于帶耳相

結處而餘及黻絲亦與紳齊

右漢衣大帶及條既修正新制如此而緇冠幅巾黑履一依家禮會水樓金士謙聞是說永見新制故不敢秘而錄示一本士謙不以為不可亦依此制裁縫惟裕下之一尺二寸者病其狹也領之必方者病其駮也蓋此二端或面或書商議未及歸一云

後乙巳余命別室及小女合所成黃繭織生絹又以大冠可當指尺二尺一二寸者為之時士謙已以其正月一日逝矣余每忽忽不樂亦不忍督命裁縫及丙午三月始出所往復本文略加沿革而裕下之一尺二寸改作一尺九寸其方領則無改

如帶條之類初未錄示往復者亦無移動嗚呼士謙與余二十七年上下出入於天人事物之理何所不至而不相唯諾多與觀益者又不可誣斯說新舊之同不同世必有辨之者矣嗚呼士謙逝矣九原不可作余雖不得不命製以服而誰為余觀賞之華哉哀哉哀哉

婦人緇頭制度說 戊申

緇頭者名見 本朝龍飛御天歌註頭帶之類俗名簇頭片頭非也或名足頭尤誤或云即大明宮人屈氏髻冠六齣之象但未知孰先孰後或云本

蒙古婦女冠名姑姑亦云器器胡語鳳故名而元公主
 出嫁高麗王轉為今世宮樣者豈明世亦沿于元
 而未及盡革歟狀明既沿之則雖即此稱以華制
 未為不可也我先英宗大王三十三年丁丑冬
 為禁大髻特命京外去髻而一從宮樣旋復寢今
 我 聖上申而行之以為用夏之漸老臣不死復
 覩先人所遵感愴曷極爰討俗制如左俾一家再
 行始自十一月日南至因廟薦廟見云

其制用市上所買黑紬用黑緇黑三升亦可○尤翁云冠以加首不厭其文推此意也宜用黑毛緞奈今有禁不敢用耳○度用本國正統丙寅詳定石刻四等尺之布帛尺以其與俗

用針尺長九寸九分廣八寸四分為一副容八一段

○先取一段之首端長四分廣四分裁之縱作三破為三

大葉各長四分四分中廣二寸五分共破七寸五分餘長四分四分廣九分棄

之○次取一段之下端長五分五分廣五分裁之縱作一破為

一大葉長四寸四分中廣二寸五分只破二寸五分餘長一寸一分廣二寸

五棄之又取下端之大餘長三寸四分廣五寸九分裁之縱作三

破為三小葉各長三寸四分中廣一十八分共破五寸四分餘長三寸四分廣三寸四分

五分棄之終取下端之小餘長二寸九分廣五寸九分裁之縱作

一破為一頂心長二寸一分廣二寸一分餘長二寸一分廣三寸八分又可為

一頂心有餘者棄之○已上共得四大葉三小葉一

頂心○大葉各從廣折半兩半各廣一十二分半是為中廣之全自上

當半橫取六分半望中廣作弦斜裁得上一元廣三分自下

當半橫取八分望中廣作弦斜裁得下一元廣六分○小葉

各從廣折半兩半各廣九分是為中廣之全自上當半橫取五分望

中廣作弦斜裁得上一元廣一寸自下當半橫取六分望中廣

作弦斜裁得下一元廣一寸二分○頂心縱橫折作十字用規望

四旁旋之得頂心一元徑二寸一分

後四大葉元長四寸四分縫長四寸頂上二寸下垂二寸

上 元廣一寸三分 縫廣九分

中 元廣二寸五分 縫廣二寸一分

下 元廣一寸六分 縫廣一寸二分

前三小葉元長三寸四分縫長三寸頂上二寸下垂一寸四分

上 元廣一寸 縫廣六分

中 元廣一寸八分 縫廣一寸四分

下 元廣一寸二分 縫廣八分

頂七葉六瓣縫周一尺二寸六分徑四寸 半徑

頂心圓元徑二寸一分縫周五寸四分徑一寸七分 半徑八分

簷口 縫周七寸二分

右一副容入及裁法也家中適應用五副故用四尺

六寸五分蓋縱橫大小自有餘剩推移耳

全義諭俗榜 丙午

忠于國孝于親敬于師恭于兄友于弟和于妻順
于夫睦于族信于友恤于隣奉法令畏公上勤農
桑謹租稅服詩禮練弓矢習工匠以上十戒酗酒
戒毆辱戒博奕戒奸淫戒偷竊戒爭訟戒勒募戒
越禁戒詐偽戒干謁戒請囑戒怠惰以上十
本縣湖中一斗大爾猶往往有道學忠良節烈諸公
杖屨丘墓之跡無古今布耳目而可師法者士民人
吏亦既世茲土知取舍久矣夫誰曰難治縣監一介

賤臣 兩朝隆褒白首永感再心自厲顧泉穀兵甲
雖非所長而風化倫理尚欲罔後誠以人之所以為
人有急於兵食耳狀亦非謂兵食遂可以并去也輒
擬二十九日以揭于門庶士民人吏審此區區本意
之所在其勸以善者十七警以惡者十二亦善善長
而惡惡短之遺爾善則有嘉惡則有感可不念哉

國朝遺蒙卷之二十四

